



ル 5
3285
8



門九5  
3285  
卷8

重刊宜興縣志卷之八

重刊宜興縣志卷之八

人物志

行誼

君子小人之分義與利而已義利之辨明於以正人心  
敦氣節厲末俗振頹靡古人挂劔揮鋤還金贈麥所以  
嘖嘖人口也近世樂善不倦輕財好施利及鄉邦澤綿  
奕世誠彬彬君子其人哉他若慷慨捐軀臨難不避救  
人之危紆人之困雖古節烈士何以加焉志行誼

吳

張秉字仲節時顧邵號知人一見遂友之邵為豫章太守  
瀕行送者百數時秉疾邵辭曰張仲節以疾不克來當與

重刊宜興縣志

卷八

行誼

昭和十八年  
八月十八日  
購求

別諸公幸少俟秉自是聲譽遠播仕吳爲雲陽太守本三國志

宋 吳國夫與錢塘范升孫俱以義遜稱累辭徵辟嘗有竊其

稻者國夫引還爲設酒食以米惠之其人慙服本宋書范叔傳

隋

蔣宏仕隋爲朝請大夫煬帝幸揚州百司艱食宏獻米萬

石用廩千官手詔優寵謙讓而退本蔣氏大宗碑

宋

時某佚其名尚書彥之父初爲鄭州牙校年六十無子妻

年亦四十餘以白金市妾得一處子見其括髮以布怪問

之泣曰妾本京師人父終雅州掾道卒母不得已鬻妾爲

扶柩貲時某惻然亟訪其母還之復出所餘金爲贖且護

送至京爲營葬地未幾妻有娠一夕夢偉丈夫衣金紫入

中堂逮旦生子彥字邦美後登進士仕至吏部尚書參毘陵人

品記

邵靈甫性樂施與善籌畫咸平中歲澇民大饑盡發所儲

粟得五千三百斛僱傭自縣至湖汶鎮除道四十里浚蠡

河橫塘八十餘里通菴畫溪入震澤饑人爭受役賴以全

活後子梁登進士孫剛魁南省官御史參節王升舊志

邵民瞻居邑之永定里蘇軾至宜民瞻從之遊後軾自海

南歸蔡京方禁錮黨人生平親故莫敢與通獨民瞻與景夕周旋不少畏避東坡歸陽羨詞有畫樓東畔天遠夕陽多之句因以天遠名邵氏之堂為手書額

參東坡全集

吳師古字敏求政和二年進士紹興中宰臣秦檜決策主和會金使以招諭江南為名樞密院編修胡銓抗疏極論坐貶師古錄胡疏以傳金人募其書千金為怨家所訐坐

流袁州後追諡文節祀鄉賢

本志

蔣天倪字鴻宇官宣議郎性好施至老不倦理宗朝以子安仁貴封趙郡公時年已百有十八歲杖闕謝恩上優其老賜宅安養以爵今其地名蔣地壽至百二十六歲卒

參毘陵八品記

元

儲廷玉字君美博學修行當路特推為宜興州學正多士矜式歲饑殫力倡賑齊家有道交友有義晚號梅心超然有出塵之趣眉山史孝祥銘其墓吳興趙孟頫書今摹刻尚存姪士方鄧文原薦知宜興州辭不就復薦為建德路教授修舉廢墜以勞勩稱

節儲大文傳

岳濬字仲遠忠武王八世孫忠武第三子霖自嶺表來宜興居邑東北四十里唐門村卒遂葬焉濬博學好義仕為石門尉遷龜山長乞歸侍親積書萬卷一時名士多遊其門又往杭州修忠武王祠墓卒於明洪武十年壽八十二

岳惟至惟元濬之諸父皆一時名士青田劉基有送惟元

歸唐門詩武進謝應芳有寄唐門惟至二律

參節府志  
鄉評備考

明

蔣賢字仲賢慷慨尚義元天曆己巳早辛未復早賢發粟

賑饑死無以葬者施之棺明太祖兵駐太平率鄉民獻粟

千斛資餽餉上嘉其誠賜墨敕俾知宜興州賢以老辭官

其子貞

參王  
志

潘永昂洪武時出粟二千石助賑有司以聞特敕獎諭旌

為義門

吳以中字正夫父德明德明之卒也以中尚幼時軍伍多

規匿詔親子姪皆遣戍邑有同姓異派吳得者先與德明

有隙後以罪發威遠衛充軍因誣以中為親姪宜補軍伍

清軍御史準行檄至宜興家僕興郎代為申雪屢被斥乃

納詞懷中深夜縊死察院門事得白免戍以中教授為業

嘗館潤州歸塗遇鬻妻者罄所得館穀贖還之後以子玉

貴贈戶部員外并立興郎木主配享德明以報其德

施祀事母甚孝嘗割股療母疾律身嚴謹居常揭暗室虧

心等語於楣間以自警與保安寺僧交僧病篤出所蓄託

以後事託令僧手識之及僧卒為謀殯殮訖乃出所寄歸

其徒封識宛然

萬壽字松軒曹澤字素庵任亮字稼軒合力整新果利廟又輸粟賑饑多行善事沒後人懷其德祀殿側

陳玉洞山鄉人正統五年大旱歲饑甚捐穀二千石賑之民賴全活者甚眾有司上其事賜救旌獎時又有陳彝潘岐蹇曦各出米六百石陳綸任亮吳佐曹襲宋大德毛溥等各出米五百石奏給冠帶其四百石三百石者俱有旌表

褚錦字克文家貧爲村學究多善行雪夜過茶亭拾遺金一囊俟其人至還之館鄰村有少婦出奔拒不納皆偉節

云以上參王志

李愷字思仁嘗總鄉賦值歲歉有將鬻妻輸稅者亟代之償又嘗買某田許以米作值既立券水潦至米價翔貴某慮其悔不索值偶遇諸途呼至家仍按舊估償之以子雲貴封禮部員外

吳玉字尙璞由歲薦入國學任戶部主事權課淮上雖族姓親故市舶往來毫無徇縱後卒于官旅櫬歸蕭然破篋而已敝廬四間兄弟共之以孫儼貴累贈禮部侍郎

卜祉字景福由舉人官戶部郎中以廉慎稱爲諸生時肄業學宮於路拾遺金二裹伺失者驗實還之人服其介李庭芝字瑞卿嘗同業師許恒應南畿試恒暴病仆闈中

庭芝哀慟卽投卷負其屍出土人皆嘆慕景泰癸酉領鄉薦累官平樂知府致仕歸家徒壁立吳中李太僕應禎訪之方踞爐煨芋乃相對話舊俟芋熟啖之而去

沈榮字松隱家富而好義建文失國修撰吳成學遁迹至宜削髮爲僧榮築大潮庵居之子彝字茂常景泰五年大饑撫按勸富民出粟賑救彝捐米三百五十石彝子暉旣

貴榮彝皆贈副都御史

以上參徐志

邵曙景泰五年大饑捐米四百石助賑又好聚書積萬二千卷孫暉字日照登成化二年進士官至考功郎中敦慎簡淡門無私謁公餘惟晏坐而已致仕歸築室以藏書號

曰城塘書屋

參郡志

盧元京字道宗忠肅公高祖也性好施與凡里中文士及四方往來之賢者有所乞假無弗立應而自奉常儉約鄉

人賢之

節吳明善盧竹岡本傳

曹珮字國聲父病旦夕侍湯藥踰數月不怠父憐之授以遺蓄固辭強而受命藏以備女弟嫁匱遇歲歉必出米貸鄉人之糴甚者子三賜補漳州守迎養署中每稱一飯一筯皆君之賜民之力也

萬士禎字思治少工文爲諸生時歲科試輒冠軍嘉靖三十一年以序貢入國學有同舍生邵陞爲莫逆交已而陞

巡按下江會武進富人周良金以誑誤陷命案知按君重  
 士禎願輸金鉅萬以乞命士禎為一言陛果釋之良金輸  
 所約卻不受曰憐君冤耳良金乃潛入貲為士禎子入冑  
 監又歲輸金幣白粲強委之去良金又嘗寄妾其家士禎  
 避居別墅其妻蕭同妾卧起如是者二年士禎後官永康  
 令轉長蘆鹽運使經歷俱以廉著

任卿字世臣事後母以孝聞輕財好施修建橋梁千金不  
 惜助入學田千畝有奇士賴其利又置義莊於篠里捐義  
 田千畝以贍族侍郎陳儒作記勒石又置役田八百畝給  
 里人之充役者仕至大理寺左寺副弟道光祿寺丞有才

識尤善成兄志嗣子克信見馳封

以上參  
徐志

歐蕙字國馨三歲失怙事繼母潘以孝聞里中貧乏者周  
 之逋稅被繫者為代償釋之山中有貧婦改嫁攜瞽女往  
 後夫不能容將溺之溪蕙聞切責之月給米三斗令養女  
 數年瞽女目復明人傳為異事

參楊懷遠  
鄉評備考

湯應隆字世昌太學生任襄陽宜城主簿築沙堤以禦水  
 患畫蘆洲以息民爭甫兩載上官考最亟以母老告歸與  
 弟應陽極友愛嘉靖甲辰乙巳兩年大旱捐米五百石以  
 賑應陽亦捐米四百石學校推鄉飲率以為首

本鄉評  
備考

芮宏字從大邑諸生性好施與嘉靖丙午旱賑饑民散米



八百餘石野有餓殍樁埋之個人困乏雖有年輒蠲其租甲寅澇聞湖濱往來多水厄捐貲築石堤八十餘丈行者稱便郡守邑侯並加旌獎萬厯改元以齒德兼優恩授儒學訓導旋舉鄉飲大賓

參節邑人曹景陽墓誌

吳承裕唐諫議大夫吳兢裔也祖祠在兢墓側門屋僦與道人居吳氏式微祀事久缺道人初懸大士像既徧塑諸佛像儼然變爲蘭若承裕心傷之念無可與語者乃決計獨任其事先施慧光寺僧米五石囑口中夜有所寄門毋局薄暮具三舟於僻港密戒佃僕數十人二鼓齊集犒以酒食率之入祠移佛像入舟道人旁阻局之一室眾素神

伽藍舉之不能動承裕數之曰爾既靈奈何占我直筆公地一掇而起三舟滿卽送至慧光寺其餘未遷者尙多悉出諸野外乃正列祖神位設奠鍵門出翌日族中佞佛者皆大詬承裕徐延入祠則木主儼然南面几筵香楮畢陳眾乃懼伏而退其神像之出野者承裕別構三楹安之眾益嘆服萬厯庚子歲饑捐米三百石給散有方民賴以濟吳應期邑諸生世居毫村除夕散步河側聞哭聲甚哀詢知爲販繒人遇盜囊罄無以資生引歸貸與四十金商人求立券應期曰爾泛舟江湖卽有券能索汝於蘆花明月中乎拜謝而去或謂其愚笑曰我志在周急固不望其償

耳一日於家園得窖金數千語人曰我昨得橫財汝輩有急悉告我鄉人持券踵門數日而盡貧無以償亦不與校也至今里稱高行先生

蔣禮字敬甫嘗有還金大節萬尚書士和爲之傳以子瑞卿贈戶部主事

吳馭字惟允尚書儼之姪游京師往來公卿間累致鉅萬顧澹於仕進謁選得詹事府主簿旋告歸性好施與捐上腴田二頃入祠以贍族凡貧乏不能婚喪讀書者取給焉又捐貲繕津梁治道途歲饑則發粟煮糜活人甚眾又因青島家言捐千金建承雲塢於邑東南自是巍科鵠起子

繼芳乙酉舉人孫瑞鳳丙子舉人龍章壬辰進士任完縣

知縣以上參節徐志

戴時達字汝行父應奎爲仇家誣搆陷獄中時達號泣控上官終脫父厄昆弟五人仲叔皆早世遺孤遺女教養兼至婚嫁以時嘗館富家夜有少女來挑之拒不納翼日託他故辭歸又嘗徒步自城歸行至常富橋亭中少憩見遺金一裹約三十餘兩懷之坐以待未幾有人哭而來詰之乃鬻妻物也亟取還之生平重義輕財苟可濟人靡弗殫力爲之以子英貴累贈兵科都給事中

徐守魁字光甫事親孝撫孤姪如己出見族人入圃行竊

掩身卻走嘗夜歸道遇偷者遺其器委置道旁不顧歲饑鄉人不舉火者千餘家守魁率先捐賑勸富人共襄義舉一鄉賴以全活子喈鳳順治十五年進士永昌府推官

周參

墓誌

路九同字道通隆慶元年舉人授通山令歲荒捐俸設粥

賑濟所活者無算

本通志

儲邦美字質齋性友愛晚年與兄各營葬地邦美得東壤術者謂東壤更吉邦美遂推以讓兄而自卜其西里人某貸金久不償忽治具請合券會天雨某託有急務出其妻具盤核捧卮以進邦美面發頰冒雨歸召某急至還其券

夫婦日炷香祝焉

節備大文家傳

吳挺秀邑諸生方正有守契友曹司貞將卒以孤子師夔托之方十餘歲挺秀為理家事設籍簿錙銖必登貨產歲有增益比師夔長始授之毫忽無私里人共稱長者禹澄江夜分有女子持茶至正色卻之明日徙其寓將卒前三日置酒延姻族與訣遂卒

錢焜字韞章萬曆元年舉人官兵部司務嘗齎餉金數十萬往宣雲有積羨卻不入垂橐而返會職方以私事相累降職乃投牒歸生平以三不識自許謂誠心直道不識人世有機械事淡食敝衣不識人世有嗜好事委心任運不

識人世有徑實事

本毘陵人品記

黃體乾字行健萬曆二年進士累官瑞州知府政尚寬平初安福劉御史忤柄臣卒戍所及劉氏訟寃詔下所司會勘體乾奉委秉公直其枉具論如律人稱其義祀鄉賢湯得莘字抱一邑諸生與弟同舉五十餘年無閒言有寡姊無子迎養終身妹出閣鬻妻奩田二十五畝以治具友人卒無歸者殯之貧不克娶者室之生平酷暑不解衣每食必薦口不談人過臨終戒子勿用浮屠日與作佛事孰若為行人治道繕津梁乎壽八十祀鄉賢

吳洪亮字允執僉憲正志長子萬曆三十七年舉人形家

謂巽方峯起則科名益盛洪亮拮据與同志捐建承雲塔

自是大魁接踵年三十一賣志以歿士論惜之子貞吉崇

禎九年舉人能詩有春曙樓集行世

以上參徐志

堵維常字永彝邑諸生郡守杜永式重其文行而憐其貧薦于江都宦族以親老辭杜曰得館穀以供甘旨不亦可乎答曰菽水士之常晨昏依戀為歡實多不欲以彼易此一日復延入內署遺之金固辭杜曰周之則受不至傷廉答曰不云免死而已乎某未病凍餒而輕受夫子金是貨也杜公稱嘆良久維常四十無子禱於茅峰夢神指牧牛兒為嗣果生子允錫著有詩禮春秋箋後允錫因之輯三

經澤書 本牧遊年譜

謝遴字彙先崇禎六年舉人父素貧不能延師挈兩弟養之教之俾有成雅好施與族人不能娶則助之親友匱乏者多待以舉火是時周相柄政或招之遴婉謝曰以相國貴重而邑中有不通半刺之孝廉亦足為相國地矣遊杭州還拾遺之金寓新安焚夙負之券巡方御史王志舉嘗稱其克遵孔孟一經不愧孝廉二字鼎革後構竹屋一間坐卧其間陳檢討維崧感舊詩云半畝牛宮繞菜田鋤畦汲水亦悠然芒鞋一兩千金直不踏城中二十年蓋紀實也卒年六十有九所著有說詩志是亦樓易志天放居詩

集

邵忠訓字與于邑諸生持己樸素宗族鄰里聞緩急必應貧者不取償債者不計利一鄉德之舉鄉飲大賓胡憲言字祖貽由序貢授合浦縣丞居官廉介不苟郡守張嶽獨重之令數於守前毀憲言及令以墨敗慮守將廉其邸持官橐寄憲言憲言護還之封識宛然令始悔泣守屬憲言攝令篆固辭尋致仕歸陳廷誥字君英居湖汶鎮為人長厚獨嫉惡若仇崇禎末有豪僕程相六倚宦勢凌轢鄉里廷誥憤甚一日偕猶子昌時過市見相六橫毆市人理論弗聽怒與角昌時出鐵

椎斃之環觀者皆稱快廷詰念昌時尙無嗣乃獨赴縣自首願抵罪卒時人多祭奠之嘖嘖稱為古烈士

參節儲掌文陳毅齋

本傳

許德士字雪城盧忠肅總督宣雲聞德士有幹濟才束帛聘之至任所出並轡入共席奏疏文移多出其手忠肅與大兵連戰都城下德士同公親督陣冒矢石慶都大捷德士亦手擒數人公喜撫其背曰上馬克敵下馬作露布君真其人戊寅十一月師次完縣公命留保定戒曰君有老母此身未可許人故免賈莊之難公死受誣棺不敢閉德士撫尸號泣慷慨具疏為公訟冤又作戎車日記敘丁丑

戊寅兩年事甚詳清江楊廷麟作忠肅傳亦藉為粉本疏畧云竊惟五倫之道君首之友終之則友之道重矣臣故督臣盧象昇友共事師中者也唐張巡友李翰為巡明忠義息羣隊臣友之死不愧巡臣敢愧于巡之友乎且偵卒俞振龍一語游移即可不死甯筆楚之斃不忍沒孤臣之忠臣豈敢後偵卒乎臣見督臣長年馬背冰天烈日刀箭餘生滌陽鉅捷斬級萬餘皆身親血戰今未論其功迨介馬千里勤王東師旋退戊寅三月十餘萬騎臨墻屢戰屢捷即其生時晉階尚書伊考思論祭葬兩部竟束之高閣今督臣死若寒灰官貧子幼皇上蓋帷之恩當惻然難忍如謂受任無成彼失火者尚丐其死豈救焚者竟莫贖耶且督臣哀喪成疾惟心刺骨兵疲餉竭有仇無援豈不知萬難濟事而心欲明春秋之大義者此何心哉對平臺皇言論以慎重出而仰天痛哭日愛我哉君也慷慨誓師牛蘭奏捷後數薄城俱親以火礮擊退伊誰之力哉迨至晉中偽報徵師出關雲帥引兵竟去天下援師俱拱手屬之他人徒餘疲餒步騎數千逐邑呼糧百無一應卒乃徒手奮呼挺身赴關督臣雖死亦足上報恩遇矣況乎金錠徧身斷肩斷額黃沙掩骼忠義堪憐使臣盡能為國捐

行誼

三

軀則滿朝衰頰可以立振方今人語及督臣靡不悲悼朝野公議自在人心皇上正當假此以示激勸忠魂嗚咽腕腐心摧臣之不敢負友猶臣友之不敢負皇上終不愛一死也謹昧死具疏以聞

李亦人邑諸生甲申之變謂其友蔣偉曰勤王大事若不  
成即死耳子不知兵吾當往幸以妻子相託亦人遂往不  
知所終其子引先母喪後披緇入雲南求父屍亦不返時  
同邑李三綱字玉華亦以諸生赴義湖南卒於郴

邵長蘅青門賸

稿參鄉評備考

國朝

李同亨字子郊登順治十五年進士任祥符知縣每視事不忍用刑因本籍錢糧奏銷左遷尋補黃陂知縣所至民

稱老佛註誤歸布衣徒步依然寒士

凌鶚遠字秋起順治十一年登賢書隨丁內艱十五年成

進士又丁外艱辛丑選廣平推官將赴任忽遭奇疾卒為

人謙和朴訥天下士林惋惜

以上參徐志

陳榜字文彩邑諸生其遠祖宋撫幹宗道嘗與善權寺僧善捐入常稔田二百畝卒後建祠寺中子孫歲時祭享由來已久康熙甲寅巡撫慕天顏延國師僧玉林駐錫善權未數月欲毀幹撫祠因眾議不協去之杭州畱其徒白松主席僧眾多拳勇又倚國師勢橫暴鄉邑強占山田鑿隧室藏婦女莫可如何陳子孫入祠祭祀則挺擊刃攔詬詈

百端地方共憤乃聚眾數千舉火焚寺白松及僧黨數十人皆燔死事聞陳族眾數百俱罹大獄時榜授經於外實未與其事歸則憫陷獄者多無辜因念吾一人死或可全吾族乃詣公庭獨任罪後蒙恩旨原宥祇戮為首一人餘皆得釋榜死之日遠近哭奠者數千人

楊天榮字子昇年十五遭鼎革遂澹於進取家貧筆耕為業然周急濟困終無倦色岳翁史希堯卒僅遺一孤天榮撫之成人為之婚娶故友夏雲松子以官債入為奴天榮代償所負贖還之嘗過鄉塾見塾師寒甚素非相識遽解

衣贈之其任恤之行多類此性好吟咏所著有自怡集

評備考

潘廷選字均範邑諸生少工文潛心理學於西銘太極諸書極有發明值鼎革奉兩親避於鄉未嘗造次離會聞兵至疾走數十里赴城涕泣邀兄去兄不聽即負兄子走數十里得脫兄竟死廷選撫其孤若己生訖成立乃已康熙初文廟漸圯廷選竭力倡修經營勞瘁越二年厥功告成晚益喜為詩與同邑周立五徐竹逸陳其年六七人聯吟社所著有斗映樓文集雙桂軒詩集行世崇祀鄉賢子宗洛由翰林累官至中丞

節儲在陸文集參潘譜

行誼



吳選字靜隨性孝友自某郡歸有館穀數百金適弟坐事繫獄罄所有脫之有朱某者爲劇盜欲掠西溪已戒行矣忽省曰吾往恐驚二相公蓋指選也其盛德感人如此史潔理字玉涵邑諸生鼎革後不赴舉與湯默齋吳存庵友善安貧樂道以讀書自娛歲庚子大饑傾困儲賑貧乏後十餘載復饑家無所儲貸以賑著有放貸賑說復念性道難言不如揚世以禍福手輯感應類抄數卷梓之行世年七十四力疾書一心不亂四字而卒

許鳳字紫庭順治十四年舉人家貧力學事父至孝偕弟躬耕以給菽水才高學博工詩古文辭秉性廉介足跡罕入城市然遇大利害侃侃爭之濱湖居民以織蓆爲生舊例官府設廠及倉場蘆蓆一切取辦蘆戶吏胥勒索無虛日太守單公與鳳有舊至宜首訪之鳳爲力言官吏需索之害單公飭縣勒碑永禁濱湖百里歌思之壽七十六卒子攀桂康熙壬午舉人孫祖耀雍正甲辰舉人祖燮乾隆丙子舉人曾孫璜乾隆壬午舉人

儲善閔字大聲康熙八年舉人任山陽教諭學宮近察院議毀學牆以便輿馬善閔爭止學弟子某牴牾邑紳囑學使檄山陽學報劣善閔入謁脅以參罰對曰參罰是甘終不忍以行劣錮人學使曰某劣誰不知者對曰不過語言

意氣得罪于人未至敗壞坊檢學使意解某獲全中丞湯公斌撫吳獨賢善閱與學使李公振裕疏薦格于例不用旋乞歸養母楊九十三壽終善閱盡哀而年已七十有三鄉邑以爲僅見以子之盤貴贈迤東道

吳繩角字漢者性孝友少遭兵燹家業凋落竭力以奉二親生事死葬竭誠盡禮嘗買族子某田憐其貧折券還之其他推惠宗族不可殫述

謝旭字義占康熙二十四年歲貢事母孝好爲利濟事冬月有客舟冰西溪七日不舉火旭拯救之全活五人後復有舟如前又救之遇歲歉率先捐賑鄉人稱之曰孝義先

生著有知非錄一經齋詩文西堂四書名物考

本江南通志

潘麟如字聖知好義樂施里中有公事率先倡導謹慎樸誠眾皆推服康熙二十七年舉鄉飲賓于旂舉人南宮知縣

吳宗字企儒諸生家極貧事親善養志昆季七人宗居三析產獨取其贏瘠潛心理學尤好施子稱貸典衣救從子贖孤女他所解推多類此子其濤名諸生亦以理學著潘起字斐英紹顯孫年十歲遭鼎革奉母避兵崎嶇篋箚閉以孝聞弱冠遊庠康熙丙子歲貢授教職不赴嘗贊修學宮歉歲倡捐賑饑又嘗偕學博賑湖汶鎮會山民劫圃

戶勢甚沟沟起婉詞慰諭眾乃解生平好善樂施有才略  
卒年八十

潘繼堂字大升附貢生醕篤有至性初父以艱於嗣撫異  
姓子數人及父歿諸螟蛉視其幼孤百計侵漁戚黨胥不  
平繼堂曰彼固不仁然亦先人所撫愛破產給之每事待  
以心腹各感愧不忍侮祠宇傾圮祭產多蝕繼堂力謀鼎  
新清理逋欠有不能償者輒代償之家僅中貲好周人急  
戚友有緩急施與無吝邑人咸推爲盛德

尹帝錫字衷若康熙己卯歲貢父承熙病濕卧牀帝錫服  
勤左右七年不倦出嗣仲父有遺產分授兩弟家貧嘗貸  
得斗米友人吳雪凡遺糲饑困分其半與之嗜古法書朝  
夕臨摹不倦子再泰庠生亦孝友善體父志經藝一準先  
正任鈞臺嘗受業焉

任沂字曾儒父樂善好施沂承其志歲饑米價昂貴買米  
楚中半價糶之又嘗出粟募人捕蝗使不爲災善爲人解  
紛排難卒時族黨咸爲涕泣

杭翔敏字志遜邑增生孝友慈仁爲兄子延師訓誨族姪  
某以歲凶鬻女代贖館台撫軍署屬吏以千金求脫罪固  
卻之兩舉行優制府尹題治前榜云究心經學人品謹飭  
吳虞衡字時佐廩生性友愛弟某出嗣仍析產與之子紘

初字書聯諸生善承父志家貧授徒爲業所入修脯與諸弟共之嘗館下相徐壇長特重其文遂訂交歲暮遣僕送歸及元旦仍返驚問故則中途遇鬻妻者罄橐中金贈之欲歸不得其仁心爲質類如此

朱鎬字文素國學生有孝行父病夜不交睫者兩月餘母年九十二鎬年踰六十省侍不倦父母歿哀號思慕者終身二兄早卒撫猶子如己出析產倍厚康熙四十六年歲饑出粟煮糜全活無算雍正十二年賑濟亦如之福德橋三里橋皆捐貲修建每歲臘底袖碎金行衢市中見有貧窶者輒遺棄其旁如是者數十年其他周急濟貧事不勝

數子貴後愈自謹約當道罕識其面卒年八十有八子世勳進士官侍御孫桓進士官編修詵芾皆舉人曾孫成進士者二雋鄉試者五

李永標字彤升幼時父母俱喪年弱冠舉所授遺產盡讓諸兄獨出居和橋習會計業歲來往東壩蕪湖有沈姓者永標嘗主其家會沈虧逋客貨縣官追比甚急沈妻子環向泣永標慨然赴縣呈請代償乃設饌邀集眾客謂曰沈產已蕩盡某願代還但囊中祇數百金祈各折算分領眾客忻然永標竟垂橐歸一日投宿旅店擬當卧具見席下有遺囊封識甚固明旦托疾不行有客踉蹌來問得實舉

囊以付曰吾爲卧守兩宿矣子飛鯤少年成進士授慶元令囑以須爲清白吏常以伊川先生存心利物之言兢兢致訓晚年好集古人嘉言懿行誨諸孫戒之曰士先器識後文藝飛揚浮躁雖才如盧駱終無受用處以子貴例贈奉政大夫卒年八十有二

王朝珪字文帥庠生幼敏慧於書無所不讀析理若牛毛爾絲朋儕辨難虛懷善下未嘗固執己意與任鈞臺友善一日見之肅然拱揖鈞臺愕然曰昨所論求放心至當謹謝教生平利不苟取名不苟邀妹倩萬廷詔爲永壽令屢書招之不應餽遺數百金趣之人都援例卻弗受曰窮達命也奚事碌碌爲及卒鈞臺爲之傳朝珪有弟不知所往求之數晝夜不得夢中若有指示之者卒與偕歸將歿謂其子曰城隍神邀我可善惡簿言訖遂瞑子忠武舉人別有傳

儲孫武字體三康熙五十二年舉人撫軍張伯行重其學行延訓子弟固辭歸暇則燕坐讀書農時則短褐力田有持課卷就正者值孫武方叱牛耕呼問儲體三居惡在孫武謂問渠何爲手其卷云欲體三閱耳孫武繫犢與偕返畱脫粟送諸衢曰某日郵致其雅量高致如此

補遺

路其直號坦庵幼孤克自樹立古朴溫厚不欺暗室事兄  
撫姪曲盡恩義厲志文學尤長于說詩所著有四書求是  
五經講意同邑萬文恭王孚齋咸企爲畏友以歲薦應嘉  
靖乙未廷試第一旋以老自引家居訓子文恭誌其墓曰  
無忝所生式穀爾子士論以爲實錄以子雲龍貴贈副使  
祀鄉賢

錢瑞字子鳳嘉靖戊午舉人累上春官不第歸而築室山  
麓門前多長者轍所受經師歿家貧無以斂瑞曰生事死  
殯舍我誰歸其高誼類如是

蔣瑞卿字景雲萬曆庚辰進士官戶部主事時張江陵用

事瑞卿絕不往謁因推關杭州以內寺蜚語罷官歸日與  
賓朋觴詠怡然自樂於筆墨外未嘗一言及時事也

萬士裕字思問別字怡庵諸生性喜施予每至夏秋之交  
輒載米數十斛至九里凡昆弟叔姪之貧者悉與之有償  
者不取其息無償者亦不之問歲歲如之不以屢施而倦  
也子惟志字汝功能承其志亦以施子聞

謝顥字石岡修德不倦志在活人有求無不應邑諺云家  
無隔宿糧須問謝石岡時賢每成義舉必以顥爲首

毛一麟字履之父天時性仁厚而訓子綦嚴一麟承父訓  
博覽古今沈酣於宋元儒者之書以副榜應試都中束修

重刊宜興縣志 卷八  
自好未嘗詣權要之門居嘗事親孝友于諸弟間以所餘  
周卹鄰里人稱厚德焉

陳階字惟敬亭村里人嘗自置田與弟弟一日卽以其田  
粥之階階曰汝何爲也拒之言者踵至階不得已貸價與  
之踰時其弟復索前田階仍與之券已而粥之他人階不  
復問也後賈維揚居停四布其貨而令階索直有名妓張  
孝雲者亦在索中階不知至其所妓多方誘之階拂衣而  
去不復索直里中有相隙者爲排解人咸服其公以私物  
酬謝階必叱去之其不苟如此

徐明羽字與參例貢生家世貴顯而性好施與凡貧交至  
戚待以舉火者不可枚舉每置產必多與之值訓諸子曰  
價薄則起爭端價厚則傳世或久也子開泰字成孺國子  
監生南劉民變世家多邁奇禍獨以開泰好施相戒無犯  
其家

徐儀世字韶階萬曆三十八年進士官刑部主事光宗得  
疾不視朝都下紛言中官崔文昇進洩藥帝由此委頓而  
帝傳諭有頭目眩暈身體軟弱不能動履語羣情益疑駭  
給事中楊漣劾文昇并及輔臣方從哲儀世偕同官孫朝  
肅御史鄭宗周並上書從哲請保護聖躬速建儲貳大畧  
謂閣下知聖躬所以違和之故乎以煩而致猶可言也若

以不防慎而致不可言也閣下不知而悠悠忽忽失防愼於初猶可言也若知而袖手旁觀不清宮闈之隱蝨以負先帝之託更不可言也九廟有靈天下忠臣義士有瞻願閣下熟思之也

補遺

宋

吳若字幼海欽宗朝除太學正上書論李邦彥吳敏姦邪被斥陳亮編集中興遺集以若與陳東歐陽澈並稱為直臣

黃端友字元輔上黃里人自幼趣尚不凡居家以孝友聞嘉熙庚子饑疘嘯聚寇竊縱橫繡使趙公委之討捕端友殲厥渠魁使子貢士應燕上之臺府丁未括田之初州縣奉上官令惟謹端友條陳利病謂無補於官有害於民力爭其不可其議遂寢所居瀕湖地勢最下連雨則蕩為澤



國人多病涉因築一長堤以四百餘丈計建兩石橋以寶祐善慶名費皆已出又嘗捐貲助修學校端友初以恩補登仕郎攝石瀨酒庫後遇明堂赦恩貢士例得封其親高年者改授迪功郎致仕卒年八十一

明

吳經字大常別字味菜貢生性謹厚讀書好古言動不苟以子儼貴贈禮部侍郎

吳儼字克慎一字納齋性質直尚義尤喜教卹貧士雖捐多金不惜一時有志之士貧而好學者多出其門

李桂貢生光澤縣丞性誠懇矩度嚴整吳文肅公愛重之

吳達聰字叔謀隆慶丁卯舉人性坦白和易不知人世有機偽心同年舉人陳禹謨為人真樸自守甚嚴當其介然有所不可莫能以非義干之

宗均璿字士烈性謹厚與人交終身無一諧謔語又好施濟嘗捐租二千二百餘石云

謝表字守吾嘯莊里人諸生沈酣六經而於春秋三禮尤精以解糧北上遇同役談氏闕額困囹圄因為代償出之後家業中落幅巾杖履吟誦溪堂晏如也卒後門人私諡文潔先生

楊廷璿字世美古莊里人廩生嚴毅端方動遵禮法子三

卓阜準一門孝友見其義方之教後以子準貴贈戶部主事

宋遂字成大所居村落南近烟山山水下注多爲田害乃捐金築渠至今賴之景泰辛未甲戌閒水旱頻仍蘇常諸郡死亡枕藉朝命御史王竑及巡撫周忱等督率官屬賑荒并勸民間捐貸遂不待聞卽發粟數百斛全活鄉里縣大夫聞之欲爲請旌固辭不就

蹇益字舜咨以貢生官直隸曲周知縣條陳御醫某不法十事忤旨逮下獄同里徐文靖力救之乃得還任後調遼府審理告歸

徐元相字宏弼別自號雲谷太學生文靖公溥叔子也文靖公作相節祿養之餘置義田八百畝以贍族命仲弟濟及元相董其事元相承庭訓建立規條老者頌以絹寡者卹以粟幼不能讀者送之塾貧不能娶者助之財死無所歸者爲之斂凡老幼婚喪嫁娶井井有條又恐後日族繁人眾分給不敷復增置田千畝以爲久遠計并營建墳墓倡立宗祠纂輯宗譜皆所經畫迨文靖歿後元相守其緒迄今十餘世子孫食其德不衰

岳儉字重本諸生搜撫其先忠武公事實哀爲一帙顏曰岳氏家畧且請於當路爲定祀典葺祠墓給帖續祀頒胙

捐租免役儉無後族人公議世祀於祠以示不朽  
王楨字應期嘉靖中歲貢生潯州推官先是楨爲諸生時  
議復鄉賢祠佐邑令丁公謹奏減武進宜興二邑重賦  
許斌字維周萬曆丙子以明經官揚州府教授嚴氣正性  
不避權貴其爲諸生時嘗有臺使持節按宜興謁文廟擊  
鼓升明倫堂卽問張公洞善權遠近斌抗聲曰大人承旨  
循行縣邑不問民間疾苦吏治貪廉乃問遊地乎臺使面  
發頰欲因他事中以法邑者舊解之乃免

徐承芳長林里人家世好客客雖數十百人至供具無不  
咄嗟立辦車輿馬騾一一取給至於廝養僕隸皆與之酒  
肉連數日不倦後其家半毀於寇然車轍之跡猶相尋不  
絕云

蔣芸爲人端毅慷慨以西沈多風濤之險力請邑令秦公  
鴻工築壩由湖北運漕民甚便之有秦公碑并頌其德矣  
子應霖孝友忠恕與物無忤咸稱長者里黨紛爭一言立  
解三舉鄉飲賓應霖子如斗諸生少負大志屢試棘闈不  
售棄而學圃因自號圃仙以隱逸終

黃棟字士植性孝友與人交尤重然諾鄉黨宗族翕然稱  
之

湯兆隆天性孝友早歲補邑諸生品端行潔以子啟煇秩

贈兵部員外

吳有燁字維聚毫村里人曾客徐州拾遺金一封侯失金者至還之

吳啟澤字萬民南國子生毫村里人明自中葉以後以白糧歸民運當之者家立破萬歷初啟澤三次解運不以爲苦有祝陵邵生者以次當應役邵告急於啟澤啟澤爲謁宰曰邵生家貧而有老母解糧之事仍啟澤任之可也宰高其誼爲嗟歎者久之

任與春字時芳廩貢生官光祿署丞致仕後捐田葺城質行好義清修純孝遠近推之卒祀鄉賢子名臣字贊勿高才博學兩中副車

周聖瑞廩監生家貧不能舉火與世介然無求盧忠肅督宣大時疏薦爲教諭

吳世凝字平曰禮部儒士陶然世外惟以風義自持子璇孫滌皆登仕籍

路遵聖字元一爲人敦行孝弟謙謹樸實雖兄弟叔姪家世貴顯而章逢布素循牆而走不作裘馬翩翩之態至其破產建祠捐貲周卹尤爲賢人君子所推服云

阿寄者閩臣吳貞毓家僕也貞毓之死鄭國先捕阿寄令吐實情鞭笞數百徧體皆赤卒抗辭不屈死後貞毓柩反

宜興阿寄之柩亦附葬墓旁

姚文用者許圖遠家僕明季土寇據許所業田圖遠往田畔將以理論之未及啟唇而土寇持梃橫擊文用奮身蔽翼圖遠得脫而文用立斃道旁

宗麟壽字瑞先明季土兵焚掠以保護家廟力戰死

王士嶷字以登諸生南毛幢圩里人所居東逼斜溪水潦圩岸輒不支士嶷出貲築塹患遂已鄉人稱爲王公堤里猶某意是堤必漏課控之官郡守察其實立雪之舉鄉飲大賓族某嘗率眾刈士嶷稻數畝僕奔告士嶷曰吾計若家口獲此已足當不多求於我也勿與爭明亡杜門不與

外事惟以文學課諸孫

國朝

何士林字伯文兵部尙書士晉之從兄也家素封慷慨好施人賴以生者不可勝舉明季兵荒洊至士林將家中逋負券悉焚之盡出家貲以濟貧困有司聞其行誼舉鄉飲大賓

吳國萃字燦侯明季以國子監生授杭州別駕未任家居時邑中糧課耗重一兩有加至五六錢者國萃投牒大府胥吏恐莫夜以千金賄免國萃峻拒之卒革其弊又邑所貢廢銅舊額徵之區圖多被累往往有破家者國萃亦投

滕大府革其弊云

周有全字荆南事親盡孝好持高節亢直不諧於俗教子讀書及子貴蕭然物外亦於世無競云

蔣邦彥字惺初律已甚嚴待人以誠信人有負其債不能償者卽焚其券晚年寓意書法年八十猶能燈下作細楷儲國維字君弼南臧里人國子監生父有章嘗於道拾遺金揭榜通衢覓其人還之國維天性好施鄰里藉以舉火者指不勝屈佃某負租數載一日忽載米以償國維曰除夕將近汝從何得米某唯唯固問之以賣妻完租告國維曰以我租故破汝室家何忍卽命僕隨往止其事併代還

雜費某固辭不得已呼其妻至家爲孫善閱乳母使復爲夫婦如初晚舉鄉飲大賓

莫汝禮字仁趾宜興東房吏也明季南劉民變邑令石公從勢家之請厚集官兵將爲捕剿計汝禮知之因私計曰愚民無知憤起倉猝迫以兵必擁眾拒拒則雖盡殲焉罪仍在民可憫也因進說於石公曰事已上聞則事在朝廷矣未有所奉而先遣兵是益之亂也上臺擢公以能戡亂故益之亂失民違上臺更背朝廷不可且激之使逞者勢豪今惟督民過亦非所以全巨室也石公領之事遂寢未幾部議誅渠魁而民皆安堵汝禮之力也汝禮以子大勳

重刊宜興縣志 卷八  
成進士官給諫贈如其官

許以經字常之茫溪里人好周人急歲大歉恆早起負手立原上看人家爨煙有無煙者輒遣人叩門給之

徐漢超字養和文靖六世孫明季先世所置義田屢有變更漢超多方經畫續置二百餘畝又好以資散給貧困嘗有負漢超債者見漢超至疑爲索逋欲害之已將斧傷其鼻矣僕趨救乃免家人欲訟之官漢超曰彼貧甚故無賴耳不與校其人尋亦感服

吳學錄字青可諸生天資穎絕於學無所不窺尤精天官書晚歲著書授徒門下多奇俊之士國初承明季饑荒之後田多不治學錄繪圖作詩上募撫軍天顏撫軍持疏入奏盡免逋賦闔郡賴之

潘曰誨蜀山里人少負勇力故其所與游亦多有勇力者明季邑多盜鄉人爲藏貨者無他患否卽肆掠莫能當曰誨戒里人曰有我在無畏盜也已而羣盜至曰誨持梃獨立溪橋上禦盜盜驚訝曰此余故人潘某也何爲禦我曰誨曰汝盜也我豈爲盜故人哉揮挺擊盜盜多落橋下遂遁不敢復至同時有許明倫者家濱太湖數被盜盜中有談姓二人力能舉二百觔石穿石爲日戴若兜鍪故嘗爲明倫家奴後從盜以素悉其主家持刀直入明倫以客禮

待飲之酒二人亦以故主不遽加害痛飲無顧忌卽於座上奪其刀斬之羣盜駭散里黨由是安焉

周方字端于雲靄里人以無子故買妾比至乃知其有夫卽日召其人還不索其值并贈以銀米

仇兆麟字人玉一字我雲諸生世居邑東具區之濱湖濱地勢以漸而低高者爲平田下者爲漕灘最下者爲蘆洲歲旱則湖面俱似蘆洲歲澇則平田亦一望汪洋矣舊制五年一丈糧民間既苦賠累又苦奸民搆訟動輒傾家爲邑東大害兆麟借里中耆舊呈請當道以己錢築堤捍水并將堤內蘆洲澈底清丈轉則陞科民甚便之兆麟爲徐

司李嗜鳳文夫工詩文與江左諸名士相往還而甬上同姓侍郎兆鰲尤引爲至好云子元善元藝俱諸生能世其

業

徐邦楨字炳忱瀚濱里人好讀書多善行有戴景明者其妻弟也以族某事得死罪邦楨傾囊奔走希白其冤遇

恩旨流秦中邦楨往送之撫其子女如己出俾克成立至景明贖免歸而邦楨已死矣景明日吾家得賴以全者皆炳忱力也炳忱死我何以獨生乎哭之欲絕邦楨生平待宗黨族戚皆厚而於祖祠尤兢兢焉著有四書析疑錄瀚村詩文稿擇言集若干卷藏於家



劉天長字爾弱一字南力諸生少時於旅寓拒奔女因寄  
跡大家門下露立待曉販豎偶觸里豪怒棄其所售之物  
豎搏膺而呼天長招之歸償其值以好言慰之始遣去  
宗世求字繩武美樺里人國子監生家僅中人而性樂施  
子里黨以緩急告者輒貸以財其不能償者悉焚其券同  
里湯先生世調品高學粹執贄稱弟子同門溧陽潘孝子  
鐵廬至宜興每主其家嘗語人曰與繩武游飲醅膠不是  
過也卒年六十餘宗廷璧字右人宗廷弼字菊人世求之  
族俱受業潘孝子以學行名諸生中  
楊廷鵬字全之家甚貧嘗於道拾遺金覓其人還之

楊士義字仁次國子監生年四十餘以無子買妾比至知  
爲世家女遣還之不索其值佃某負租將鬻女以償士義  
聞之立焚其券

儲福崑字五宗豐義里人家鄰漏湖濱田畝數百頃水漲  
輒遭湮沒福崑鳩工築堤衛之遂成美產里中某負福崑  
錢百千命子遵鴻索之至則家徒壁立子女皆有凍餒色  
遵鴻惻然立焚其券並舉所攜錢與之歸告福崑福崑忻  
然曰汝能是乎不愧福崑兒矣惜汝所攜少耳更厚給之  
朱縉芳字崇儀艾墅里人艾墅濱溪西通溧陽南接桃溪  
爲邑西要衝舊有水橋歲久朽蠹人多病涉縉芳與里中

同志指賞易木以石一曰躍龍二曰儀鳳三曰啟麟四曰  
萬安又於邑中齋僧館側置屋一所爲里人入城棲息之  
所人咸賴之晚舉鄉飲賓年七十五卒

蔣亨復字御飛諸生嘗遊黔中途遇一書生落魄不能支  
問其姓字曰張宇肩當塗人也因給其衣資而去繼而張  
病且卒遺書以後事托之亨復得書疾馳數百里哭之經  
紀其喪令僕扶其柩歸里并卹其家

史三畏字兆益一字子文歲貢生積學敦行有名別駕熊  
公觀風屬縣拔取第一後署邑篆屢招三畏三畏不見適  
有邑人爲盜誣者因謁熊令白其冤其人以金謝笑而不

納里中有擣蒲戲三畏力禁之終其世無犯者元孫士峻  
字企山性孝友遇黨里甚敬有鄰某屢次凌辱士峻絕不  
與校以刻苦勵行終其身

儲灝字蒼舒豐義里人族父某爲奸民所害陷獄例當解  
省鞫實而病勢甚重灝毅然以身代之在獄年餘傭書自  
給比歸而族父已卒灝哭其墓以事白告晚以醫術名於  
時年八十餘卒

潘進字爾昇鄉飲大賓國初時生民艱苦進性長厚有  
徭役身任之不以累人歲饑輒發粟周卹鄉里凡橋廟修  
葺率先捐貲爲倡邑令額給言坊行表四字旌之

王國琇厚莊里人好施與同里陳某以其女鬻於徽州客商程後程姓將挈其女歸陳某哀告國琇國琇以金贖之不責其償又有晉陵陳某者遷居厚莊里康熙十八年亢旱貧不能自存鬻其子於同邑白姓其主刻暴不以人理待陳某聞之慘甚哀告國琇亦以金贖之不責其償

陳時英字世求宗大子邑諸生績學祇行以曾祖少保于廷有功名教力請崇祀道南書院凡事關祠墓者奮力爲之邑令趙公錫禮之任遇大事輒咨訪一時修學宮建社倉育嬰堂賑饑諸大務咸倚賴時英卒趙公哀之而爲之傳

丁聖貽富村里人邑諸生膽畧過人邑書役裴某者大蠹也康熙己未歲大旱郡別駕熊攝邑篆辦荒已申大吏報部俄熊去裴匿其籍與民市聖貽訟諸按察使裴革役邑賦以均又有王某者邑大猾與固山將軍子善富人稍拂其意輒陷諸網傾其家邑令蒲公欲誅之然是時武帥驕悍不與文官爲禮而逃兵之法尤重一爲營兵所誣引輒破產至死王走固山營蒲公無可奈何聖貽不平設法與營兵謀俟其出縛之送縣獄中置之法眾患由是平焉

張江永字岷南諸生與同邑許重炎少來蔣師韓若黎爲至友師事史周沅南瀾後又執贄潘孝子鐵廬門下以品

學相砥礪孝子卒謀撫其遺孤父邁危疾醫藥罔效江永  
禱於神願以己年益父壽既得疾又爲文禱願須臾無死  
事父越明年竟卒師韓亦諸生既聞潘孝子講論喜不自  
勝謂重炎曰不到此幾虛度一生矣篝鐙下帷痛自發憤  
不數月而病作遂卒重炎哀之感手定其遺集云  
呂鏞字允謙性嚴毅取與不苟訓子弟一以小學爲宗老  
而彌篤邑令班公稱之爲荆南高士云

重刊宜興縣舊志卷之八

人物志

隱逸

歐陽修作一行傳曰處乎山林而友麋鹿雖不可以爲  
中道然與其食人之祿尸位貽譏孰若無愧於心放身  
自得列代之史所以必書隱逸也敦倫行尙廉恥其有  
功世道顧不重哉志隱逸

唐

馮處士名佚曹唐有贈南嶽馮處士詩云白石溪邊自結  
廬風泉滿院稱幽居鳥啼深樹斷靈藥花落閒牕看道書  
烟嵐曉過鹿裘濕水月夜明山舍虛支頤冷笑緣名出終

日王門強曳裾

參節王志

蔣逸人名佚皇甫冉有送蔣逸人歸義興詩云驚湍流不

極夜度濕雲岑長帶溪沙淺時因山雨深方同七里路更

逐五湖心揭厲朝將夕潺湲古至今花源若許到雖遠亦

相尋

參咸清毘陵志全唐詩

陶詳校書隱居陽羨方干贈詩云芸香署裏從容步陽羨

山中嘯傲情竿底紫鱗輸釣伴花邊白犬吠流鶯長潭五

月含冰氣孤檜中宵帶雨聲便泛扁舟應未得鷓夷棄相

始垂名干字雄飛以詩名江南咸通中舉進士不第嘗來

遊陽羨

參節全唐詩

宋

元簿字泉卿幼業進士後棄去自號耘軒喜為詩有歲後

書懷云他鄉故鄉老若此新歲舊歲窮依然烹茶但有一

升水沽酒初無三百錢

參朱昱毘陵志

蔣之勉字敬叔吏部尚書堂從子博通典籍為西澗大儒

屢薦不仕學者稱荆南先生

參毘陵人品記

王克疑隱居不仕王安石贈詩二首云荒村日午未開門

雨後餘花滿地存世上但能旌隱德無人知道是王孫童

子穿雲晚未歸誰收松下著殘棋先生醉卧松花裏春去

人間總不知

參徐志

元

吳載堅字節齋寶祐中進士歷官四川提刑按察使疏陳親賢遠佞選將練兵四事不報後與文天祥起兵敗歸築土室居之家人罕得見其面

參江南通志

蔣捷字勝欲宋德祐進士元初遁跡不仕大德中憲使臧

夢解陸垕交章薦其才卒不就博學工詞著小學詳斷學

者稱為竹山先生

參節

董蕃字子衍性沖約不慕榮利元初舉茂異除鈞臺書院

山長不赴著通鑑質疑行世

參節朱昱

王令顯字光大能詩善書畫元季挈家避兵居吳中十餘

年始歸視父所愛商彝獨存遂以名齋鄭元祐為作記倪

瓚贈詩云荆溪王隱士相見每從容借地仍栽竹巢雲獨

傍松青苔磐石淨嘉樹綠陰重約我同棲遯嵩高第幾峰

子仁字允岡以先世皆葬梅林復於梅林築室名山齋宋

濂題詩有重修逸民傳之句盧熊亦贈之詩其山齋記王

蒙作

參沈敕荆溪外紀倪瓚雲林詩集

明

王文靜名冕以字行元季兵亂隱居不仕以吟咏自娛舍

旁皆植梅自號梅西詩詞清麗書畫師宋克王蒙能造其

妙洪武中以賢良徵辭不就所著有蠅聲集行世

參江南通志

許茂字茂實知縣應祁子其兄卒以腴田千餘畝歸兄子自取瘠者數十畝洪武十七年詔舉人才茂為首選檄至堅卧稱疾邑令周賓親往敦勸茂以緇衣覆體叩首謝曰小人久病固欲舍身為僧何足當聖世沛澤後結廬墓側居之名曰終隱庵不出庵者三十餘年時沈歷亦以人才

舉不就 參節馬治許徵君墓志

蔣兢字維敬宜興人寓居嘉興建文初舉人才授文淵閣侍書靖難兵入兢與其師太常少卿高遜志皆棄官遜後遇於永嘉山中遜志卒無以葬林有巨木腹枵然兢乞諸樵人斂葬遜志於芙蓉峰北祭之以文有曰遁跡空山潔

身以竦邂逅之間師師弟弟 參朱彝尊靜志居詩話

吳綸字大本性耽高尚創別墅二於溪山閉南曰樵隱北

曰漁樂逍遙其中自擬陶潛號心遠居士 參江南通志

王超字景升一字東皋衣冠樸素有古人風致其南山小隱詩云一室南山下蕭然雲半間芹菹便病齒野服稱衰

顏塵映何曾到仙輶或可攀莫嫌渾懶慢幽事亦相關超善畫適意處輒題寫人爭求之所著有東皋野語 參出陵人品記

邵鑑字原明風度清雅蕭然物外不樂與塵世事詩詞簡淡遺有結蓑吟一卷族有邵琛廣學博聞棄舉子業耽於

詞賦所著有樂善集

李適字叔安性恬退與物無競或以非意相加輒笑而遣之喜吟詩著有安晚集壽九十三舉鄉飲大賓子涇字宗潔亦能詩廉介有父風並爲士林所重

萬善字克一好讀古書不習舉子業長於吟咏嘉靖間舉鄉飲大賓堅辭不出邑令王鈴高其行躬造禮之定爲布衣交壽八十有四著爲庵集三卷藏於家

湯聘字起莘八歲能詠桂花詩時稱神童補博士弟子員絕意仕進居家篤孝友敦禮義暇輒吟嘯林圃閒自號南

園處士

徐守亨字荆逸幼穎異博觀羣書嘗曰吾性分中自有樂

地何必取青紫然後爲得志乎隱居課農於宅東隙地築小園每花時招兄弟賦詩飲酒鄉黨稱爲平地仙

許穎昌字友白品行高潔舉賢良方正不受職著灌畝吟予以忠字孝移初與華亭諸名士結五經社晚隱大潮山所著有伊蒿詩集自號伊蒿道人

己上俱參徐志

國朝

吳洪裕字問卿參議正志子萬厯乙卯舉於鄉不復赴會試自號楓隱有別業曰蘭墅擅一邑勝名人王穉登董其昌皆從之遊爲繪圖作記洪裕常寢處其間日召客飲酒醉後輒諷陶杜詩卒時捨爲僧院

參任源祥鳴鶴堂文集

隱逸



潘紹顯字景純工部郎中守正子崇禎十七年以副貢謁  
選在都值流寇猖獗陳急策三條切中事機上待子優擢  
會城陷遂從閑道歸杜門不出後督撫交薦終不起著有  
餘清園集順治五年卒子廷瑜字君欽諸生鼎革後絕意  
進取常散貲以周貧乏著西園集藏之家弟廷選有傳  
許肇篋字垣友弱冠遊庠未幾遭鼎革肇篋遂棄舉子業  
然益鉤貫經史白天官書及錢漕兵屯鹽馬諸利弊靡不  
熟悉醉則爲詩曼聲以歌之若荆卿牧羝諸曲哀思鬱抑  
聞者太息兄肇箕字表遠亦諸生明亡走湖州大箬山爲  
僧自號腐鐵

吳璇字叔度崇禎癸未成進士授戶部主事兼兵部有精  
心敏手學富才優之日鼎革後遜歸屏跡不入城市閣部

交薦卒不就

參鳴鶴  
堂文集

蔣偉字韋人明季諸生弱冠從鄧秉貞學遂工詩明亡自  
溷於酒詩日益奇與邑人俞南吉曹茂才萬津微游南吉  
字迪時家多藏書饒竹石隱采山茂才與津微鄰津微日  
拒戶哦詩自娛茂才則游塞外千餘里還觀二華再登峨  
嶻歸著名山志三人皆高隱與偉相知偉嘗作四子歎晚  
年自號南山老樵卒後族孫錫震爲輯其遺稿梓行之秉  
貞字子坦著有禹笑齋詩安隱集

參蔣錫震青溪  
草堂文偶存

吳永祺字文剛吏部郎中鳴虞子鳴虞官文選時里人有以金浼永祺求向郡縣關白事者永祺峻拒之旁邑令當分校南閩屬人致辭謂吳能晤我可獲雋永祺曰苟以此舉辱莫甚焉明亡後遂閉戶讀書絕意仕進蕭然四壁以終其身

徐徵麟字定侯崇禎十六年進士授山陰知縣明亡解組歸堅卧不出惟讀書歌詩以自娛

己上參節徐志

儲福疇字九游有文名崇禎十五年中副榜十七年例得副貢明亡隱居不仕

參節儲欣在陸草堂文集

孫夢簡邑諸生篤於孝友隱居教授邑令欲識其面不可

得雅慕倪瓚為人卒時命以瓚畫殉

節江南通志

陳貞慧字定生少保子廷季子崇禎三年副榜十一年與顧杲吳應箕爲雷都防亂揭發阮大鍼奸狀大鍼聞之恚恨曰彼何人必欲殺余及福王立大鍼修出揭之怨首下周鏢於獄時貞慧爲父請恤雷南都旦夕候問鏢大鍼遂誣以爲鏢行賂出一票但曰駕上來蜂擁之去商邱侯方域出橐中金付錢禧賂緹騎鎮撫而自爲求援於兵部侍郎練國事漏已下國事馳詣馬士英曰書生何罪必致之死士英曰意出圓老國事曰其先人清德重望當十世宥之奈何遽殺其子士英默然顧燭影移時曰繫之何如國

事不答遣之出境何如乃謝而退舊錦衣劉倚大學士王鐸亦致書鎮撫鎮撫臨鞫佯作色終無所鍛鍊士英亦緩之得發回大鉞切齒曰待我巡視地方未晚也會國亡大鉞走死貞慧自是屏居故里坐卧一小樓哀集先世傳誌銘贊已所往來贈答詩古文授子維崧足跡不入城市者十二年而卒著有明語林山陽錄秋園雜佩等書

參雷士俊陳處

路迪字惠期副使文範子善騎射舞槩能萬人敵時流寇紛擾迪嘗傾結天下奇士願為君父紓憂逮

士傳

一子培堅皆能承父志讀父書云

參節江朝俊路迪傳

吳固本字白涵給諫士貞子明亡隱居不出陳維崧嘗贈以詞云轟隱家門捉鼻免問君何術適志耳和烟種樹帶雲春朮杜老堂前鄰撲棗陶公酒後兒呼栗更風潭夾宅月當門消閒日 詩酒外誰膠漆猿鶴侶吾儔匹任客誇裘馬人矜才筆書到成時人竟老逕當僻處蘿偏密叩苔扉半响不逢人琴聲出固本精於琴瀟湘水雲一操人比之廣陵散焉所著有狎鷗磯詩詞稿

參陳檢討集鄉評備考

楊湛露字燕侯邑諸生博通五經旁及子史釋老星厯陰陽卜筮諸書時周延儒家居重其名欲致之湛露終不一

詣年四十以歲貢當入都會明亡遂隱居教授後并謝遣  
生徒卒時年九十門人稱爲西山先生

參邵長蘅青門賸稿

周新字瑞甫偉幹修髯讀書過目成誦工書法先人遺產  
悉以讓弟而筆耕自給世變滄桑超然隱遁晚號逸庵蓋  
以逸民自居也

王合字爾俞福王時常居尙書張國維幕以薦授兵部職  
方司郎中見馬阮用事紀綱日紊力辭歸明亡杜門謝客

裹足不入城市

已上參節徐志

萬球字求玉精楷書得歐陽詢筆法崇禎中考選內閣中  
書明亡隱居杜門年九十餘卒

參節鄉評備考

任皞臣字翼王以貢謁選署河南柘城令調署永城崇禎  
甲申二月銓選湖廣安仁令以道梗不赴皞臣歷官清介  
值流寇蔓延破產以佐捍禦有戰守功家無餘貲士民建  
碑頌德鼎革後杜門課子自號元栖遺訓誡子繩隗有徒  
然破家從軍究竟涓埃莫報君親何在七尺空存之語順  
治庚寅卒

吳湛字又鄴洪裕族孫崇禎丙子中副榜明亡以詩酒自  
廢與陳維崧交善卒後維崧有詩悼之曰風情耗耗偏無  
賴筆墨蕭閒也不羣憶得秋城鴉萬點墊巾嘗與立斜曛  
所著有匣吟草粵東紀游諸書

參節陳檢討集陳玉璠府志

路登庸字惟孝至性過人不嗜進取隱居南郭度地爲圃帶經荷鋤蒔花種竹不問戶外事每當花晨月夕輒吟咏圃中怡然自得故自號圃癡任鈞臺曰先生以圃寄意不名圃樂乃曰癡名雖小未可量也

節任啟運撰本傳

補遺

儲能謙字有大小能詩事親孝謹教四子俱通經術宋亡入元名其堂爲樗巢語諸子曰吾生無用于世死必樹吾墓以樗所以表志也學士危素銘其墓曰義興之區有文渠渠其植惟樗卷懷弗舒與天爲徒金華宋濂爲之傳蔣宏恩字成均讀書喜晰大義厭帖括之學棄去灌園自

力稍稍積貲輒好施予歉歲待舉火者數百家里黨稱盛德焉

蔣天民佚其名生而氣宇清朗異於常人志不慕榮利家居構一小園多種竹自號竹莊往還皆高人逸士題詠甚多毘陵王太史俱爲之記

湯鶴翔字雪翎邑廩生經學湛深文譽焯著與文湛持馬素修黃介子諸名人相友善著麟經直編爲當時所珍又著北遊集弟四人俱負才名號湯氏五翎皆棄儒隱于耕謝宜字復吾嘉隆時以碩德重望教授鄉里所居嘯莊東村清川繞門高樹隱屋日與名流垂釣賦詩室人蔣鹿車

其挽有河汾栗里之風

翟振龍字起文奇杰慷慨有經濟才張石叟校士河南以禮羅致之既移幕于蜀時劍門失守流氛南瞰進薄成都振龍乃登城畫守禦策夜半北風甚急令健卒潛出擲炬熱賊營城中振旅以待火作賊驚譟擊之殲其魁餘賊死者無筭而援兵逗畱伺寇遁則輻輳進索銀索餉殘逞遺黎慘更甚于賊振龍知事不可爲乃從閒道歸裹足洮湖濱課耕治圃暇則趺坐蒲團閒寂如老衲釋冠野服行吟山澤以高尙終其身著有五行類事握奇圖負芻雜志萬謙字謙之英敏過人年十六遊庠鼎革後不赴舉與鄧

秉貞曹茂才爲世外交歌詩飲酒終其身著有河渚集湯炎字學海少工文長棄帖括日肆力於古文辭尤好讀杜詩書法顏王之閒家極貧釜甑生塵晏如也賃小屋竹閒自號問竹居士與蕭揆三父子爲詩友儲五采父子爲文友嘗元旦閉戶誦漢書賀歲者登門弗顧其興致如此著有問竹居詩文集

金輅字天求少應童子試輒冠軍晚棄經義閉戶讀書著文不問世事儲五采以老友稱之命其子從受經焉

文文書示且問且誦與書貫通香登門洩願其興好收  
問自憑問付與士與瓶對三父子欲請文論正宋父子  
孫皆書志隨王之問宋孫曾益取半墨是故亦言不星  
忠父之學而少工文身乘神誌日製代飲古文讀武收  
東員曹與大飲地心交册荷燈照其長善育可游果

補遺

明

吳源字士源芳莊里人與同郡馬孝常王彝齋倪雲林輩  
為詩文友洪武初徵授蘭溪教諭以耳疾不赴著有菊存  
詩集

王亶字宗誠為人外和而內介嘗言柳下惠之後善學惠  
者無過陶靖節靖節吾師也亶嗜酒亦似靖節每日舉觴  
輒詠靖節詩數篇尤愛種菊其於世味澹如因自號陶軒  
居士云

許世祥字文潛諸生性好古六經諸史無不研窮僻處一

室揭曰靜庵同邑萬宗伯履庵王提舉孚齋皆生平至契  
晚耽元學潛心長生久視之術卒年八十餘所著許氏家  
約性理纂要伴閒集完真錄諸書俱藏於家

萬棟字隆甫以國子監生歷官至遼州州同慕陶靖節之  
風拂衣歸里一時士大夫高其志羣作歌詩以送之歸築  
在澗草堂於黃澗澗居焉從弟榘字材甫國子監生工詩  
善書性愛梅花所居書齋不減香雪海吳下文休承爲繪  
圖焉

錢日文字維忠諸生以制義名於時天啟初有貴人以科  
場秘記寄之者日文恥之遂不復應舉云

### 國朝

許大就字豈凡明副貢生少負奇慧試輒高等甲申後家  
徒壁立然絕意仕進有饋以米者隨以與書賈存斗許則  
傾以與酒家對妻孥飲且讀曰胷中免俗足矣飽何爲耶  
嘗醉後葛衣行雪中緩步微吟不知者以爲狂識者以爲  
逸民也

黃麟駭字勝生明季選貢年方弱冠文才豪邁爲學使朱  
國昌所獎拔鼎革後足跡不入城市修宗祠輯宗譜年未  
四十而卒

蕭鄂字倩韉幼穎悟以能文名與陳定生王爾俞任王谷



諸人以氣節相尚明亡寄居僧寺以卒著有綠蔭軒集  
尹毅奎字武卿工詩詞明亡棄妻子隱於安樂山之承福  
寺日與浮屠東白焚香煮茗論瞿曇宗旨終其世不與俗  
人通

吳喬森字遷于一字負夏城塘里人諸生少負氣節與同  
邑蕭鄰之爲道誼交明亡後被髮爲頭陀結廬里東隙地  
繞屋皆樹梅因自號梅城髮僧鄰之字鄰起嘯莊里人增  
廣生明亡悲憤得疾卒喬森子楨熙字藥亭諸生選於經  
學著有周易彙成十七卷同時鮑家莊王鳴九字仲舉因  
子祚榮死國難亦寄居龍池僧舍以卒

任大烈字松濤篠里人性孤介落落不與世合弱冠嘗一  
應童子試遂絕意進取坐卧一小樓日事吟哦人罕見其  
面如是者三十年所著有見山樓集藏於家

陳貞祥字孝緒諸生明亡即棄舉子業放情山水泉石以  
自娛所居濬池一灣種竹千竿名花野卉四時俱備兼喜  
竹根木椿經其雕琢即成異趣有愛之者輒與之族黨得  
其欣助者甚眾亦有借端折辱之者而貞祥絕不以爲意  
也

任繩寵字吉士布衣工詩明季隱居鹿堡山房著有翠微  
山房集

重刊宜興縣志卷之八  
名  
吳  
儲弼明字克仁豐義里人嘗受文法於族兄昌祚受書法於董尚書其昌盡得其秘明季一妾一女俱死於兵弼明悲憤隱居終

尹選字非眾毫村里人諸生與同里塔文忠公友善明亡隱居不出塔公卒爲詩以哭之

吳悅可北渠里人諸生尚氣節善畫工花鳥兼善刻石明亡爲僧於南岳寺其拳勇尤絕相傳得異人授云

周岱鍾字東藩副貢生周橋里人善畫工詩與中州謝廷揚同邑翟源洙善嘗自寫負薪圖箬笠短衣肩斧出溪谷閒賦樵客吟三章於其上遍索友人和之

重刊宜興縣舊志卷之八

人物志 僑寓

東坡謂一入荆溪便意思豁然倘緣地生情緣情生戀吾鄉洞壑與諸名流殆有夙因耶雖爪雪雷蹤亦復臨風懷想今茲野蔓尚挹餘芬錄僑寓

梁

到洽字茂沿彭城武原人少知名有才學避居陽羨不就薦辟天監初任昉守義興訪洽兄弟邀爲山澤遊過查林見山水清勝卜築居焉後相傳爲到氏田舍

參節王升舊志

唐

薛戎字元夫河中寶鼎人客居陽羨山守江西觀察使李

衡辟署幕府三返乃應故相齊映代衡奏留之映罷復歸

陽羨福建觀察使柳冕辟佐其府使攝刺史誣按馬總罪

戎不從囚之累月冕病死得解後累遷浙東觀察使節新唐書

杜牧字牧之京兆萬年人太和二年進士工詩文兼諳練

兵事歷官史館修撰嘗殖產義興搆水榭於荆溪北湄題

詠頗多參劉崇遠金華子

李幼卿字長夫隴西人大曆中涇州刺史有別業在義興

玉女潭曰蒙溪幽居刺滌時嘗以書托常州刺史獨孤及

及答詩有日日思瓊樹書書話玉潭之句參唐詩紀事

陸勳嘗為校書郎寓居義興搆禪居以自隱後又出為淮

南從事李郢有秋晚寄題陸校書義興禪居詩參咸淳昆陵志

李戡字定臣渤海敬王七世孫舉進士就禮部試吏唱名

乃入戡恥之明日徑返江東隱居陽羨里民有鬪爭不決

不之官而詣戡以辨平盧節度使王彥威表為巡官府遷

還洛陽節新唐書

孫泰山陽人中和中將家於義興置一別墅用緡錢二百

千游吳興回停舟俾屋主他徙一老嫗哭甚哀詰之嫗曰

老婦逮事翁姑居此有年吾子不肖舉以售人故悲耳泰

憮然久之曰吾適得京書已別除官固不能駐此所居且

命爾子掌之言訖解維而去不復返

即王定保唐摭言

陸希聲蘇州吳人昭宗時宰相初以避亂居義興之湖汊

自號君陽遁叟名其山曰頤山著頤山錄及山居二十七

咏後蔣穎叔題其宅有云二十四橋蕪沒盡溪邊猶有故

時橋幽居之勝蓋可想見

參節唐書咸淳志

皇甫冉字茂叔潤州丹陽人天寶中進士歷官石補闕嘗

避亂寓居義興酌裴十四詩有云舊國想平陵春山滿陽

羨又有送劉八長卿及祭張公洞諸詩

參新唐書蕭穎士傳

高雲寓居陽羨皇甫冉題其客舍詩有云吳國滯風煙平

陵延夢想惟將山與水處處諧真賞又許渾贈高處士詩

云宅前雲水滿高興一書生垂釣有深意望山多遠情夜

碁畱客宿春酒勸僧傾未作干時計何人問姓名

參鄉評備考

顧況海鹽人仕止著作郎以詩文名世結廬茅山下屢召

不起自號華陽真逸嘗居義興茶舍有贈僧詩曰家住義

興東舍溪溪邊莎草雨無泥上人一向心入定春鳥年年

空自啼

參徐志

宋

蘇軾字子瞻眉州眉山人嘉祐二年與蔣之奇同第宴瓊

林時坐相接遂約卜居陽羨又以甥女妻同年進士單錫

屬以問田元豐七年三月自黃州量移汝州九月閒抵宜

興館通真觀側郭知訓提舉宅十月二日書橋頌帖八年正月行至泗州道中上表乞居常州云先有薄田在宜興粗給饘粥被旨從所請回次揚州有歸宜興畱題竹西寺詩後謫嶺南時命子邁迨將家居宜興紹聖二年於惠州寄以詩云寄語陽羨兒并語長頭弟門戶各努力先期畢租稅陽羨兒謂邁長頭弟謂迨也少子迨後亦來居過孫峴乾道中為大府寺丞尚居宜興參蘇長公全集周必大橋頌帖跋王居正字剛中揚州人建炎初徙居陽羨范宗尹薦於朝召至謂宗尹曰時危如此公不急拔元元於塗炭中尚誰待遂辭歸著三經辨說與楊時義解同進上二書行天下

遂不復言王氏學卒葬金塢

參節宋史徐志

慕容暉父惟良領州刺史因家陽羨暉嗜酒好吟不務進取所居有雙楠並植樅樅如蓋嘗從蘇軾遊軾目為雙楠居士題其軒曰南軒前頭兩佳木先生撫翫常不足尤愛薰風五月初白銀花開光照屋

節咸淳昆陵志

蘇庠字養直丹陽人幼為清江引詞蘇文忠見而奇之薦於朝不起客居陽羨號後湖居士有自宜興還西岡菩薩鬢詞云園林寂寂春歸去濛濛柳下飄香絮野水接雲橫綠烟啼曉鶯江南鷓鴣夢山色朝來重小艇小灣頭蘋花

蘋葉洲

參節朱彝尊詞綜

鄒浩字志完晉陵人大觀二年自昭州歸過宜興宿通真觀道士周希信房為題軒額曰一覺所將卜居南嶽未遂紹定初邑令趙與哲建先賢祠合寓賢祀之浩與焉

參真德秀

先賢祠記

李綱字伯紀邵武人其祖遷居無錫綱未第時讀書宜興善權寺宣和元年以論水災言切直謫官復居宜興建炎元年既罷相復游宜興有畱題善權及遊南嶽之作後寺中建三生堂祀綱及李贛及李曾伯以三人皆有惠於寺

且俱氏李也

參僧方冊善權古今文錄

汪藻字彥章饒州德興人

舊志作都陽人

塔於宜興莊氏愛溪山

之勝因卜居焉有避地山亭野步詩紹興中歷官顯謨閣

學士立朝三十年校三館秘書掌內制文學議論推重一

時著有浮溪集

參咸淳毗陵志

胡靖揚州人少時以行誼藻翰取重州里建炎時來居宜

興年甫冠人皆愛敬之

參王

岳飛字鵬舉相州湯陰人建炎四年三月宜興令錢諶迎屯郭外平巨盜郭吉時旁郡邑棄資儲來保宜興踰萬室俱賴以免圖像祀之後破戚方復駐兵張渚有四月十二日題金沙寺壁六月望日題張大年家屏上書子霖仕至敷文閣待制紹興三十一年自嶺南來宜興邑人為置田

宅於唐門卒即葬焉霖子珂字肅之歷官戶部侍郎家於

嘉興

參節宋史  
武穆全書

胡松年字茂老海州懷仁人紹興中歷官僉書樞密院事  
權參知政事以疾提舉洞霄宮卜居陽羨之言村築室自  
娛匾曰橫山孫覲題詩云波閒指點見青紅雪脊嶒稜倚  
半空幻出生綃三四幅遊人渾在畫圖中蒼雲千里蔭平  
寬露葉風枝繞舍寒莫遣先生賦歸去且令小吏報平安  
覲晉陵人大觀三年進士嘗往來陽羨題咏頗多參節咸  
清志  
陳克字子高天台人有詩名紹興初為敕令所刪定官自  
號赤城居士寓居宜興之潼渚參郡志有陽羨競  
渡石亭探梅諸詞

曾幾字吉甫其先贛州人南渡後僑居上饒以通奉大夫

致仕來宜興有題邵智卿天遠堂及游張公洞諸詩其發

宜興詩云老境垂垂八十年又將家上鐵頭船客留陽羨

只三月歸去玉溪無一錢觀水觀山都廢食聽風聽雨不

妨眠從今布襪青鞵夢不到張公即善權

參咸清  
昆陵志

董弁字令升佚其地紹興中為中書舍人寓居宜興之朋

溪建橋溪上又作楚頌亭本蘇文忠公志也

參郡志  
撫遺錄

王葆字彥光崑山人弱冠登進士自麗水簿遷宜興知縣

時當用兵僚吏駭竄葆兼佩丞簿印諸將妄求輒面折力

拒之孝宗朝歷遷至大理少卿以疾請於朝歸宜興遂終

老焉李衡布衣流落以女弟歸之周必大未仕時妻以女  
范成大早孤廢業留之門下訓勉切至後皆為名臣

參蘇州府志

周必大字子充一字洪道其先鄭州管城人慶元元年必

大以少傅封益國公致仕初為宜興吳氏壻後婚王氏來

宜興常寓居婦家跋東坡橋頌帖云余自紹興癸酉迄淳

熙己酉三十七年之間凡六至宜興

參橋頌帖石刻

呂祖泰字泰然壽州人夷簡五世孫寓居宜興嘉泰元年

上書請誅韓侂胄杖決流欽州侂胄誅詔雪其冤補上州

文學改授迪功郎監南嶽廟卒葬宜興

參節宋史

李曾伯字長孺潭懷人後居嘉興年少時葬親宜興有閩

僧道琳謂之曰公異日必階政路善權為浙石佳山水宜

請作功德院曾伯笑而謝之淳祐中果拜觀文殿大學士

憶道琳前語請於朝賜名報忠寺曾伯有善權奇觀及宿

福巖堂諸詩後寺僧建三生堂祀三李

參沈救荆溪外紀

元

蹇大雅蜀人皇慶間提刑浙江後僑居宜興有終焉之志

其子孫因占籍焉

本徐志

張簡字天民金壇人宜興王日新延之訓子且為買田築

室居之倪瓚題其溪亭詩曰罨畫溪亭月當牕影更妍朱



絃彈綠水細柳舞春烟杜牧何年宅山僧棲夜禪張公一

盃酒獨醉義皇前參節鄉評備考  
倪瓚雲林詩集

倪瓚字元鎮無錫人博學好古工詩畫家素饒知天下將

亂棄田宅孤舟蓑笠載竹牀茶竈飄飄五湖三泖聞所至

多居琳宮梵宇望之若仙偽吳張士誠招之不往張士信

致幣及絹百匹求一畫瓚裂其絹立返其幣屢至宜興多

所題咏褒為雲林集參節鄉  
評備考

周砥字履道吳門人好學有賢行善為小楷行書尤長於

詩元末避亂寓居宜興南山周氏家與馬治相友善歷覽

諸勝各為歌吟有荆南倡和詩集鄭元祐徐賁諸人為之

序元祐字明德遂昌人工詩文嘗游荆溪客唐門岳氏賁

字幼文吳興人亦避亂來寓識周砥於顯親寺之聽秋軒

遂與定交為作唱和集序後卜居蜀山參荆溪  
外紀

明

李應楨字貞伯長洲人慕范文正公之為人自號范齋力

學好古尚氣節景泰癸酉舉人歷官太僕少卿致仕嘗寓

遊宜興與吳綸李庭芝友善歸吳後綸治田廬招之應楨

時一來焉參鄉評  
備考

沈周字啟南長洲人能詩工書畫郡守以賢良薦不就屢

遊宜興於善權寺題咏尤夥與邑令袁道邑人吳經昆季

為契交其訪袁明府雷別吳太常諸人詩云四五親知一

座中彭城衛氏此情同雨天深夜平添黑酒境衰顏暫借

紅地有故人堪久客民因良吏長滔風移居我欲從編戶

定住蜀山煙樹東

參荆溪外紀

翁信字誠之錦衣衛籍餘姚人天順甲申進士歷官湖廣

參議致仕遷居宜興前山東副使邵賢作東邱娛晚堂與

投閒諸老結真率會信與焉

參王文恪公集

費宏字子充鉛山人成化丁未狀元歷官大學士以女妻

邑人吳儼子嘗寓宜興予莊儼有邀費鵝湖過山莊避暑

詩云小洛橋西碧澗長濯纓不必問滄浪五湖地闊居偏

靜六月山深夜自涼池面雨浮菱葉亂門前風細稻花香

高旌暫駐茅簷下音信何愁滯異鄉宏亦有贈吳翁詩云

水北水南芳草山前山後白雲我欲求田問舍杖藜載酒

尋君

參荆溪外紀

舒芬字國裳進賢人未達時嘗流寓宜興邑有富人陳思

明識其非常人禮而館之後正德中登進士第一人官翰

林院修撰鄉人以為美談

參鄉評備考

靳貴字充道丹徒人正德中歷官大學士愛宜興溪山之

勝遂卜居焉築室名荆南精舍上海陸深為作記

參儼山集

史際字恭甫溧陽人由進士仕至太常卿豐財好奇樂施

予嘉靖間築別業於玉女潭北名玉陽洞天文徵明記之

甚詳歲癸卯甲辰宜興饑出粟賑濟全活幾二萬人丙午

間邑令方逢時濬張公壩河復運米五百石助之參王升舊志

王大用字時行興化人官廣東僉事時平清遠徭盜及新

會三水洞蠻三歷巡撫皆以清惠稱致政後嘗寓居宜興

築室龍塢其落成詩有拱揖來羣峰正面離墨山之句又

有同吳頤山諸公荆溪泛雪詩參鄉評備考

唐順之字應德武進人嘉靖十四年由編修罷歸客宜興

居邑人杭封別業有暮春游陽羨南山詩云清溪知幾曲

惟見白雲深一入藤蕪徑欣聞樵採吟春鶯未停囀夏葉

始繁陰乘此縱長嘯悠然物外心十八年起故官兼春坊

右司諫以詣東宮稱賀上怒詔削籍歸乃卜築陽羨山中

讀書十餘年又敕起兵部郎中平倭寇歷官右僉都御史

鳳陽巡撫子鶴徵字元卿歷官太常卿覽宜興桃溪之勝

買地築室居之喜登龍池觀旭日捐貲建禹門禪院參節明史

荆川集

楊守魯字允得北畿人有文武才中解會兩元以陝西右

布政致仕買田陽羨為終焉計嘗與邑諸生說春秋經義

深明胡康侯之旨居七年思先人邱隴復北歸參節王志

周怡字順之甯國太平人嘉靖戊戌進士歷官給諫抗疏

論嚴嵩擅權樹黨言甚剴切逮繫詔獄五載釋歸寓居陽

羨山中與二三知己以學問相訂證一時學者爭師事之

穆宗登極召用歷陞太常少卿著有訥溪集

參節徐志

王穉登字伯穀長洲人國子監生嘉靖四十一年與武進

吳履謙遊宜興至萬曆十一年春復偕履謙來窮諸名勝

作荆溪疏二卷有重游荆溪詩云荆溪古風土陽羨好山

川不遠三百里重來廿五年雲中尋洞府花裏下樓船欲

買芳蘭去清芬莫論錢

參節荆溪疏

顧祖漢字漢凌長洲人隆慶五年四月作離墨洞志一篇

於善權寺之圓通閣自云嘗七遊善權三宿三生堂盡識

其勝其友無錫葉之芳跋云余嘗遊兩洞見玉女潭有金

魚一旦失去後於龍湫中見之乃知陽羨諸山其中皆空

洞焉

參節離墨洞志真蹟

王畿字汝中山陰人嘉靖壬辰進士心契王文成公守仁

致良知之旨師事之歷官南京兵部郎中萬曆五年秋來

宜興講學邑令丁懋建館之於葵亭別第畿題周衝遺像

自署為八十翁

高攀龍字存之無錫人歷官左都御史董其昌字元宰松

江華亭人歷官南京禮部尚書兩人皆數游宜興與邑人

儲昌祚為同年友至則寓其大礪園中

參儲大文存研樓文集

徐元昕字東旭華亭文貞公階第五孫也官中書因有祖遺產在宜興遂移家焉

參節徐志

吳默字因之吳江人嘗讀書宜興芙蓉山寺頗多題咏後

歷官太僕寺卿

參存研樓二集

吳應箕字次尾貴池人崇禎十一年讀書陳貞慧家會無

錫顧杲至三人遂作雷都防亂揭杲字子方時皆客貞慧

家盤桓於其所謂文杏齋者

參陳維崧迎陵文集

楊廷麟字伯祥清江人官兵部職方司主事崇禎十二年

以盧司馬喪至宜興為經理其家又捃摭司馬生平為立

傳後鼎革時與萬元吉同守贛城破赴清水塘死

參節青門賸稿

俞安期字羨長蘇州人少時傭於書肆竊窺羣書遂成淹

博長有詩名布衣遊公卿間為上客所纂唐類函詩家奉

為枕秘中年愛宜興山水因僑居焉著有詩集如干卷行

世

鄒元標字爾瞻吉水人天啟中歷官左都御史嘗來宜興

明道書院會講明道書院者邑人史太僕孟麟所建也後

山陰劉宗周亦嘗來講學宗周字起東歷官左都御史

參鄉

評備考

侯方域字朝宗河南商邱人戶部尚書恂之子明末避亂

寓居宜興與陳貞慧結姻而去順治九年復至宜興與諸

名士爲詩會其爲人尙經濟重然諾衡論當世人物不爽  
銖黍著有壯悔堂文集

顧御字吉履吳江人性清介孝友歷官工部員外郎喜陽  
羨山水攜次子敦復卜居焉

國朝

胡潛字是庵太平繁昌人明末以國子生考授知縣未任  
而明亡福王時以薦授兵備道不就順治中常州通判謝  
良琦署宜興篆招之潛樂宜興山水因買宅居西城之隈  
隱於醫以上俱參徐志

潘天成字錫疇溧陽人康熙初受業於湯之綺家貧性篤

孝以養親故市香市筆往來宜興最久邑諸生許昌國嘗

薦爲童子師後復來宜興贈昌國詩有不到茫潭二十年

之句參錄盧集

吳綺字蘭次江都人歷官湖州知府康熙十一年來宜興

訪陳維崧與訂布衣昆弟之歡維崧作定交篇有云攬鏡

俄驚憔悴人開門忽遇嫵媚子屣倒狂呼忘主賓厨空絮

語憑鄉里參迦陵全集

龔勝玉字節孫武進人卜居宜興慕蘇文忠爲人作仿橘

圖以明志陳維崧題邁陂塘詞云有蘭陵甯馨年少風前

玉樹姚冶縛茅樹柵東溪畔正傍樊川水榭誰圖畫畫秋

後霜柑百顆高低亞寒香噴射擬楚頌名亭追踪坡老此  
意儘瀟灑人閒世總是蝸牛傳舍休矜文采儒雅海田幾  
徧栽桑後萬事虛舟飄瓦蜀山下有蘇子祠堂老木曾連  
把如今盡也便結得亭成他年志遂後日誰憐者參迎陵詞集

惲格一名壽平字正叔武進人寫花卉入神品嘗游宜興

諸薦紳爭客之得其一紙珍於拱壁參鄉評備考

謝本字弼臣邗縣人父皇恩為宜興守備因家焉本多才  
藝精算法兵法嘗往數千里外窮河源著治河論又嘗改  
姓身為人作畫署名身本弟廷揚字揆臣畫尤工每登高  
望低空風雨有所得輒長呼入座振筆落紙咫尺千里本

子泚得父畫龍法亦有名參瞿源洙笠洲文集

史鑑宗字繩遠金壇人年四歲時隨其姑來宜興十九歲  
以就婚復來妻父萬象新授以田宅因家焉鑑宗工詩文  
邑中名士皆與訂交任繩隗嘗題其畫像有云束髮飄零  
到陽羨蓋紀實也後以舉人官南陵教諭

沈无咎字子慕長興人避地宜興初來居蜀山側後渡東  
溪結廬虞山之陽水周於屋屋外隙地皆種梅又善藝菊  
多佳種年四十未娶有金壇湯氏女歸之名朝字蕉雲工  
詩无咎值七夕作乞巧詩與蕉雲歌吟聲達戶外里人多  
傳誦之時邑人周岱鍾瞿源洙集諸名流作詩文會於潮

音寺无咎與焉蕉雲自號華嚴女子先无咎卒无咎葬之黃龍山麓築埋詩亭於墓上又嘗彙其夫妻唱和之作付之梓名笙磬同音

趙九齡字次張嘗為督府李忠定所辟得承務郎督府罷九齡亦徑歸高宗南渡九齡僑居陽羨故將岳飛嘗隸忠定軍中九齡識其人於行伍言之忠定給帖補軍校後為統制遇高宗幸永嘉與諸將徬徨江上莫知所適又乏糧九齡往說飛移軍陽羨給之食剪除草寇邑境賴焉周參政葵屢薦其才而不用遂屏居以終

補遺

宋趙九齡字次張嘗為督府李忠定所辟得承務郎督府罷九齡亦徑歸高宗南渡九齡僑居陽羨故將岳飛嘗隸忠定軍中九齡識其人於行伍言之忠定給帖補軍校後為統制遇高宗幸永嘉與諸將徬徨江上莫知所適又乏糧九齡往說飛移軍陽羨給之食剪除草寇邑境賴焉周參政葵屢薦其才而不用遂屏居以終敖陶孫字器之別字體齋長樂人為太學生題詩三元樓弔趙汝愚為韓侂胄所捕亡命江湖有飄風荆溪詩見所



重刊宜興縣志 卷八  
著臞翁集中仇胄敗始登慶元五年進士官泉州僉判  
李龔字神父荷澤人南渡後移家吳興三匯之交不樂仕  
進年登耄期自作墓誌有夢回荆溪聞雨詩見集中  
莊夢旂淳祐中寓居宜興嘗增修宜興志  
宗洪字克大因兵亂隨其父璋自義烏避居陽羨山中夜  
夢神人告之曰汝當居漏湖西南因徙居古蕩愛植木樨  
有黃丹白三種效晉國王公手植三槐之意曰願子孫世  
世傳芳也因更名其里爲美樨里洪性耿介當元世祖初  
徵宋名臣後裔洪因其祖澤爲宋高宗時副元帥世受國  
恩遂卻聘不仕云

明

詹榮字仁甫山海衛人嘉靖五年進士官光祿少卿時以  
女字吳文肅儼孫夢桂有自京口放舟至宜訪鵝塘寅長  
詩後屢官兵部侍郎贈尚書今梅林吳氏墓旁有明一品  
夫人程氏墓卽其妻也

陸南陽字伯明武進人唐荆川弟子嘗授徒邑西豐義儲  
氏數年後官善化令以廉潔聞子完學萬歷丁未進士累  
官兵部尚書

周天球字公瑕吳郡人篤志古學精書法官中書舍人告  
歸後爲邑人吳詹簿馭摹勒宋搨王右軍所書周孝侯廟

碑復以女妻詹簿族子選嘗往來荆溪有雨中遊善權諸  
詩

李流芳字長蘅嘉定人萬厯丙午舉人時人所稱嘉定四  
先生者流芳其一也嘗寓蔣撫軍允儀家爲其父笠澤公  
書墓志銘有潘克家蔣韶賓邀遊善權寺酒後偶成詩見  
所著檀園集中

陳子龍字人中青浦人由進士厯官給事中殉國難崇禎  
初邑人陳貞慧以千金聘至亳材浩然堂爲其六歲子維  
崧啟蒙觴詠月餘而去

曾鯨字波臣漳州人工寫生崇禎時寓宜興通眞觀爲道

士張知白繪小影又爲堵文忠公寫讀禮圖鯨弟子廖大  
受字君可諸生繼鯨來宜興居常府莊爲故家寫像極多  
同時有豫人張復字元春工山水嘗居南嶽蘭野十日爲  
邑人吳光祿澈如寫蘭墅圖及乾元石壁圖卷皆長數丈  
鯨大受俱工書復并能詩書法尤蒼勁  
章正宸字羽侯會稽人崇禎四年進士嘗授經邑中曹氏  
間儲康甫漸傳同郡錢先生啟新之學執贄門下事之終  
身後官吏科給事中改大理寺丞國變後棄家爲僧  
程學周徽州人崇禎時以孝子被旌今其後裔世居於此  
猶藏部劄一紙其文曰北京禮部精膳清吏司爲褒獎懿

德給劄恩榮以彰激勸節孝風化攸關表揚朝廷大典照得直隸常州府宜興縣徽民程學周立己謙和存心孝義慕不移於妻子知不泯夫孩提悼幼孤未展烏私事節母承顏養志乏膳勉於貿易親疾身代籲天撫棺哀慟三載不臨私室持齋刻像奉事無異存亡矧汪母矢志青年完操白首鄉評無閒寵錫宜加爲此除呈堂候題旌表外合給劄匾冠帶獎本民上書節孝同芳行令懸掛以彰優恤仍帖行該縣免其雜泛差徭有司以禮相待須至劄者右劄付冠帶善民程學周準此崇禎十三年十一月二十一日

國朝

金敞字廓明武進人少負氣節有經濟才嘗從宜興吳起龍游江西爲任俠已而至宜興訪道於湯之錡世調卜居武花山麓與吳人金璵爲道義之友時璵亦在宜興也璵字與玉明亡後棄諸生服攜其子鑑圓來徙往來張渚山中親見盧中書象觀殉難始末遺孤至無所依歸璵念忠臣後不可廢學於市鎮授徒進盧生教之讀不率則懸尙書中書兩公像跪生而責之飲食訓誨如己子長爲立家室而璵父子守一敝廬布衣藿食以終敞自其師湯世調歿後與同門友無錫顧昫滋築共學山居於錫山之麓招

四方學者與之講論以不墜師傳云  
周容字鄧山鄞人諸生工詩善書畫順治甲午寓邑中著  
宜興資壺記後以鴻博徵力辭不就同時江陰周高起伯  
起嘗寓邑中著陽羨茗壺系有過吳迪美朱萼堂看壺歌  
顧貞觀字梁汾無錫人嘗訪陳維崧其年於邑中泊舟蛟  
橋下吟詞至得意處狂喜失足墮河一時傳爲佳話

鍾以晟字元亮溧陽人曾祖鼎祖楚石明季先後死於兵  
以晟少承家學絕意仕進買山邑西南之桃溪躬耕負薪  
共始至也人視之以爲樵夫耳已而聞其善卜占水旱吉  
凶多奇中乃知其非常人繼聞其內行醅備事祖母及母

至孝力貧養志絲粟不輕受於人邑人張江永許重炎入  
山訪之質以儒先異同之說甚敬重之所居老屋數椽風  
雨篝燈輒高吟方正學遜志齋集閒以歌哭年八十一卒  
葬桃溪

唐煜燦溫州樂清人父渺粟讀書鼓琴居鄉有志行以避  
仇出遊不返煜燦尋父十餘年不得一日至邑西芳莊里  
貨糧已罄不能行邑諸生李璜留之里寺中寺故有壽亭  
侯像煜燦日夜泣禱一日夢神示之兆因至舍山得父死  
蹤蹟并所遺琴書煜燦痛父不能生還躄踴幾絕後旋里  
爲迎柩計復至芳莊邑人史問和重其行爲著唐孝子傳



母吳孺人僑寓宜興生事死葬士夫於以觀禮論者擬之  
岳纘忠侯焉

楊薰字廷茂景泰丙子舉人官奉新知縣下車後凡事之  
不便於民者悉除之邑中大治巡按某公過境見其清苦  
命屬員饋送絹米力辭不受曰吾民之脂膏也忍瘠民自  
肥哉先是薰應試都下遇湛甘泉於旅寓談論甚合遂以  
理學名於時晚以丁艱哀毀致疾卒

黃箴字仲和富甲邑里好施與常輸金助邊授義官冠帶  
宏治正德間善權寺中落田產爲里豪侵占箴質諸有司  
復之又命子潤捐山千餘畝以供香火潤字國成工詩文  
尤精於畫董尙書其昌稱其下筆如疾風驟雨每愛仿其  
筆意云

列女

節孝如忠臣而視忠較難忠義激於一時節孝堅於  
 畢世況復未嫁奔喪夫死身殉已嫁之女不以有家  
 忘父母于歸之媳不以異體視翁姑則巾幗而丈夫  
 天柱地維賴以不墜特是有力之家克邀殊寵棹楔  
 流徽否則珠埋玉掩露冷煙空姓氏不傳里居莫考  
 豈非有心人之隱痛耶爰廣為剞劂用慰幽魂編列  
 女傳

齊

節婦蔣黃氏

雋妻夫亡家人逼嫁欲自到  
因得完節建元三年旌其門

皇朝通志

卷八 列女

陳

貞烈王氏

父富甲一鄉女每婉諫其父陰周貧乏宅前瀕河女坐卧一樓刺繡其上時義興吳與兩郡兵起土人乘勢劫掠燬其居間女賢欲活之女號慟墮樓自沈於水里人名其港為繡花浜祀為土神港中無敢裸而浴者

宋

節婦蔣史氏

宏謹妻生子五歲而寡課子力學孫堂仕顯封慶國夫人初居漏湖寔甚育鵝自給朝縱去暮揭竿於岸則畢集焉其曾孫之奇詩曰凌風泛浪白於雲野放湖中曉至昏一舉招旗畢來集至今人號養鵝墩

節烈蔣金氏

諡忠愍蔣興祖妻忠愍與金人戰死氏自刎贈靖國夫人載宋史

元

節婦儲臧氏

餘杭縣尉儲允諾妻青年砥節教二子成立長子士方任建德路教授

節烈姚金氏

姚疏妻幼知書事舅姑孝至正壬辰兵起臨挈家入太湖遊兵追之氏度不免與夫訣曰君有老親宜善保妾誓必死遂抱幼女赴水死會稽楊維禎蘇州楊基皆為作傳臨後仕至保定知府

貞烈儲原善二女

以一字薛執中一未字會紅巾肆掠猝擁出如生葬之溪側其母每往哭輒有雙鳩繞墓鳴相應母卒鳩乃不見族里異之題曰雙鳩墓建祠焉

明

孝女黃氏

父節無嗣贅婿張以為養節性整潔女順承父志曲盡其道夏月扇枕蓆冬則令其子溫被調甘脆勤補綴悉當父意父期頤安樂忘其身之為獨也

儲氏

母儲遇害女號慟即奮身躍入水死

列女

二



孝婦徐金氏

徐日升妻八歲母病即夜起治湯藥母死哀號骨立後事舅姑以孝謹稱姑失明卧牀數

載日夜

侍養能順其意姑臨卒抱

氏以泣

言來生願為汝媳以報

邵陳氏

維林妻曾刺血寫竈經十三卷以祝姑壽姑患痛割股救療氏年二十八姑痛復作氏乃

再割肝

焚香額天舉刀于手忽幽暗若神告者以刀

之肝出

昏瞶復甦割半葉納而束之仍自烹以進是

夜姑疾

瘳鄰里聯名呈報巡撫勘實給廩帛萬歷二

十八年

入憲綱

尹周氏

商衡妻事翁姑愛敬兼至每遇時食翁姑未嘗不敢入口膳給不敷脫簪珥以佐翁姑有

疾湯藥

親嘗衣不解帶翁萬年感其

孝請吳

編修中行為文紀其事焉

顧蔣氏

沂妻姑邱性甚嚴氏極孝敬為所鍾愛每稱之以飭諸婦壽百有四歲子梓邑諸生邑侯

陳旌

其門

毛秦氏

庠生毛麟元妻割股療姑

張虞氏

廩生張四維妻姑疾篤割股以療姑竟愈

吳儲氏

吳繪妻嘗割股療翁

周陳氏

周重智繼妻姑卒舅失明伏簣數年氏奉湯藥洗滌便液未嘗諉僮婢舅曰孝媳願天錫

佳見以報後生子

鼎官工部尚書

貞女邵史氏

邵一龍聘妻一龍卒氏年十六告父母往成服歸即涅中心不改四字於面以示無二後

史邵家業並替女節益堅寒紡暑績兩家

竝資其養卒年六十餘萬善為賦貞女詩

蔣吳氏

吳正志女蔣允岱聘妻夫亡號泣奔喪成服撫嗣子守志五十年而歿

王黃氏

幼字王姓子後王姓子為入僕氏父欲背盟不得憂憤卒氏遂刺涅一心不嫁四字於面

王不敢娶

遂得完貞

儲史氏

汝縣知縣金壇史熙治女儲啟夏妻未婚而啟夏疾篤以沖喜之說請於史父母頗難之

女請行成禮異處未幾啟夏卒守貞四十餘年

節婦潘吳氏

原妻家貧子弱紡織自給

朱張氏

富妻苦節自勵事姑孝謹

宗謝氏

仲庸妻夫亡矢節事姑至孝

芮儲氏

庠生達成妻

黃儲氏

鎧妻十八歲寡撫遺腹子卒年九十四歲成化三年旌孫璽沂州訓導玳廣平府同知

蹇陳氏

龍妻龍十餘歲雙瞽父母諭陳改字氏不可卒歸龍生四子三女吳儼杭倫為作嫁瞽歌

杜李氏

章妻夫死鬻器服治葬舉遺腹子瓚父屢逼改醮氏嚙指血以矢志苦節四十餘年

吳屠氏

贈光祿卿駙妻早寡截髮矢節無子十年後叔駮舉次子告於姑立之即通政使達可也

吳趙氏

進士夢熊繼妻二十四歲寡壽百有一歲子貞啟會元貞毓進士

周蔣氏

至妻夫亡子幼家貧母兄強之他適氏剪髮自誓苦節四十餘年尚書萬士和以詩褒之

王陳氏

庠生璉妻夫死矢節間有疑之者時食鹹梅即吐核於地祝曰妾有二心此核隨朽否則

尚萌蘖以白妾心尋挺生一樹枝幹日茂又有疑其易核者至結實猶有鹹味人始異之沈暉吳儼皆為賦瑞梅詩崇禎丁丑復發一

花孫行儉登進士為重慶守

吳蔣氏

贛縣主簿吳玘繼妻此禦寇死氏年少毀容鬪鬪于里迎樞歸葬子以父廕任南城主簿

許蔣氏

錡妻早寡遺孤半歲正德辛未大禮氏食糠糝乞米食孤人勸之嫁誓不二志卒年八十

邵萬氏

寶妻少知書喜鈔列女傳早寡矢志撫孤鬻逾廿榆卒

年七十二

杭楊氏

彥北妻早寡卒年八十餘尚書周鼎為之傳

陸邵氏

經妻早寡其兄擇一巨室令改適氏欲自刎乃止

曹顧氏

給事中師稷妾幼知書二十三歲寡卒年七十二

列女

日

吳秦氏 允禔妻允禔死於兵氏撐立門戶中外井妾周氏年十九亦同守節

徐吳氏 潮妻早寡姑病割股以療卒年七十八

邵王氏 應魁妻二十一歲寡時翁已故太翁年八十撫曾孫時英泣曰七世單傳遺孤半歲汝

之任也氏拭淚承命常抱孤與夫主對食終身不服色衣

杭湯氏 立忠妻初杭邁隱疾請辭婚氏父不可卒歸杭期而寡其父攜歸鞠之守貞四十七年

史吳氏 秉妻早寡族有逼之嫁者乘期赴河鄰婦援之絕而復甦晚歲尚自食其力艱苦萬狀

儲許氏 君大妻二十二歲寡有欲奪其志者氏斷髮毀容觸石碎首以示必死後卒年七十二

許徐氏 庠生初洪繼妻善吟咏初洪死於閩越氏艾年苦節作四時悼亡詩以寄痛

陳留姑 太僕卿史孟麟妾生子方襁褓而太僕卒夫人盡遺諸妾姑獨請留撫子夏隆成進士卒

年八十餘歲

陳邵氏 憲章妻二十四歲寡時有娠即引刀自刎傷左頂三寸僕婦救免謂之曰爾娠安知非男

盍少須既而生男庶姑迫令改節氏斷髮不已至拔簪刺目又讓產獨居積女紅資送孤就塾夜讀則分

燈光以績卒年七十四子一經為名諸生孫于廷左都御史贈夫人

湯王氏 儒妻夫亡姑強改節不從單衣卧雪中僵死湯灌而甦苦節數十年子鍾壽為名諸生孫

兆京名御史今學前三節坊表吳達可嗣母屠氏陳于廷祖母邵氏湯兆京祖母王氏吉水鄒元標為記

歐閔氏 一唯妻十九歲寡剪髮毀容姑老病與同衾卧卒年七十九歲

芮湯氏 恢妻早寡紡績之暇課子讀書皆由口授子履中湖廣經歷孫曾七世俱有聲庠序

徐吳氏 竣妻贈光祿卿吳駮女二十四歲寡卒年八十三歲

任李氏 大理寺左寺副卿妾卿卒家貲巨萬無子諸爭嗣者紛擾數年時羣妾皆散氏獨堅守勤

操家政壽八十六葬之祖塋世祀焉

何吳氏

其孝繼妻其孝死非命原配子士晉方九歲

血衣擲之

及土晉舉於鄉氏撫夫棺一慟而絕士晉

志其事云

疏陳繼母存孤苦志天子

吳鍾氏

庠生起元妻二十三歲寡誓不欲生絕食五

日妻黃氏亦

早寡以節終

羊鄭氏

乃絕口不談卒年八十四歲兩經直指旌表

任陳氏

立德妻嫁未幾夫有廢疾事之久不倦夫卒

十一而

守節待嗣夫弟又天氏矢志不渝後其翁六

堵許氏

作崗妻年十九適崗六閱月而崗卒撫遺腹

可日吾分

也何足言

王陸氏

其黨濁入欲刦之無鄰有里橫晚攜酒饌偕

刺中橫索弗獲

迨曉血汗淋漓控族族申

吳芮氏

休妻早寡壽百歲孫

黃史氏

節考終金壇曹會奪其志誓死完

吳潘氏

提學仕妾早寡蒙家難撫孤敦復成立舉萬

家難又起姑媳拮据禦侮

復妾沈氏撫九歲孤士貞

史周氏

世茂史戴氏世稭妻俱早寡

王許氏

論語迄為名諸生撫孤瑞親授孝經

堵徐氏

作邦妻早寡止一女適任亦

王閔氏

庠生之毅妻贈光祿卿王閔道

吳曹氏 庠生天相妻早寡無五

萬楊氏 鎮妻甫締姻而鎮得瘋疾萬父母願辭婚氏

史儲氏 秉麟妻十九歲寡順事繼姑撫遺腹子成立

苦萬狀宗族或召食一往孫三女氏復勉撫四孤艱

杭王氏 庠生登瀛妻婦趙氏廩生杭懋勤妻皆早寡

成立懋勤又天無嗣趙守殉葬嚙指告天撫孤懋勤

節侍其姑終身不服吉衣欲令他適終身

王陳氏 不歸甯卒年七十兩奉巡按旌

堵許氏 惟崙妻二十三歲寡家貧甚夫棺暴露積針

姪允錫登進士歸欲迎養之泣未

盧王氏 大司馬忠肅公繼妻金壇貢生道洽女封夫

徐彭氏 啟鏞妻子洪祚舉人孫

蔣尹氏 環妻二十五歲

范朱氏 杏妻十九歲寡夫兄逼之嫁陰受許姓金給

男越三年夫兄復誘許槍劫一夕驟至氏踰垣匿野

廁中時天寒僵仆幾絕氏乃携孤依兄嫂以居迨孤

長始返故居

李吳氏 舉人延儒妻曾孫舉人象乾亦

周王氏 遂榮妻早寡撫儲王氏 景巖妻夫客死氏

吳沈氏 廩生梁妻孫國 周杜氏 于初妻二十八歲

許吳氏 炫妻十九歲寡 周杜氏 中行繼妻二十五

曹毛氏 南陽妻早寡 卒年九十歲

湯朱氏 守茂妻早寡 卒年九十八

曹馮氏 師程 妻 有敘妻早寡 苦節五十年

湯蔣氏 清隱妻早寡 卒年九十

湯孔氏 有敘妻早寡 苦節五十年

湯李氏 有彥 妻

史王氏 應容妻十八 歲寡以節終

許歐氏 有勇妻二十五 歲寡卒年八十

張蔣氏 庠生元翼妻 參政如奇女

許王氏 良知繼妻早寡 苦節五十餘年

潘丁氏 鏗妻二十一 歲寡卒年八十八

張芮氏 希孟 妻

歐潘氏 光祿寺丞鎮繼 妻十八歲寡

張虞氏 希高 妻

吳潘氏 舉人 妻 一賜

儲王氏 庠生伯 寅妻

吳周氏 奕妻 妻

堵鄒氏 景孚妻宜興 縣令鄒倫女

李鄭氏 景妻 妻

陸壯氏 璫妻夫亡 截髮矢節

殷許氏 某妻 妻

周戴氏 一鵬 妻

張吳氏 庠生元 鼎妻

曹蔣氏 翼龍 妻

王歐氏 某妻 妻

杭王氏 志顏 妻

岳陳氏 時智 妻

儲裴氏 元美 妻

史陳氏 庠生季 麟妻

湯董氏 子登 妻

許蔣氏 用廣 妻

吳徐氏 樂平令 親母

張徐氏 問明 妻

曹陸氏 省德 妻

吳徐氏 庠生振 華妻

王陳氏 元妻 妻

許王氏 煥妻 妻

潘張氏 近隆妻早寡 卒年八十三

杭黃氏 見西 妻

周王氏 備妻 妻

湯杜氏 廩生有 尹繼妻

吳萬氏 庠生 妻

張趙氏 啟元 妻

史徐氏 舉人鴻 磐繼妻

張錢氏 維垣 妻

許宋氏 有祿 妻

史路氏 庠生鴻 渚妻

張殷氏 銖妻 妻

陳壯氏 新賜 妻

儲周氏 順溪妻早寡 卒年八十九

王戴氏 家奎 妻 徐芮氏 秉忠 妻 史俞氏 庠生文 妻

周吳氏 于禮 妻 史潘氏 褒功 妻 史潘氏 庠生珏 妻

吳路氏 正諫 妻 陸周氏 綺妻 吳秦氏 庠生正 妻

湯沈氏 宗允 妻 湯董氏 敬科 妻 蔣丁氏 啟明 妻

蔣何氏 立昌 妻 潘薛氏 亨牆 妻 史陸氏 庠生應 妻

吳陶氏 伯昌 妻 丁吳氏 惟學 妻 任萬氏 驥妻 妻

任蔣氏 汲繼 妻 任馮氏 克敏 妻 蔣丁氏 懷問 妻

盧陳氏 庠生象 同妻 象 同死 國 史刺刃 妻

貞烈王陸氏 涵妻 未笄 涵已患瘵 及合卺 不能成禮 入閨 乃潛閉戶 絕粒死 者

楊杭氏 武進庠生 鏞聘妻 楊業中 替父改字 女於華 父卒 女潛持翁喪 父母兄嫂 厭薄之 乃依外家 祝陵 邵氏 處一小樓 焚香禮佛 嘗作詩云 妾身十二 許楊 生豈得違盟 戀富羸 惟有祝陵樓 上月年年 照見妾 心清 俄聞父竟 受華聘 賦詩遂自經 有一死 定知身 不免 九泉終信 義能全 句萬歷 四十六年 杭 氏 婿 陸完 學為之 請旌 又作烈女 傳勒石

儲陸氏 篤聘 妻年十七 間夫亡 號慟 成 服 父母 不能止 七終 以身殉

史王氏 稷謨 聘妻 稷謨 年二十 卒 氏欲往 成服 父母 不許 晝夜 號慟 絕粒 數日 死 夫家 迎柩 歸葬

陸氏 字某 姓間 夫 計自經

任氏 字閔 姓兵 至 赴水 死

節烈吳李氏 壘妻 年十六 適壘 生一女 壘亡 族有嗜利 逼其 嫁者 擇日 强贅 氏計窮 遂自經 死

王陸氏 某妻 夫死 自經 以殉

盧陳氏 忠肅公安聞公討卽矢以身殉除服後哀慟成疾卒

盧張氏 象楨妻象楨死於賊氏一慟幾絕七終哭奠夫主人室自經

丁衛氏 陳大妻亂兵牽其手氏奮躍入水死

儲錢氏 庠生夔玉妾值兵亂赴水死

陳王氏 順天知事貞達妾貞達殉難氏闔門自焚死

徐王氏 文秀妻十八歲寡寢樞處撫木幾穿卜地爲入贅氏固拒知不得已取所藏夫衣履焚之火延側室家人驚救火熄而氏已自經於夫墓墓在南嶽萬

士和爲撰墓表嗣孫貧弱墓幾不守邑令陳遴璋捐俸二十三兩買田十畝爲烈婦子孫世守計

周張氏 珍妻年二十珍妹年十八有讐人輩語誣之於心遂赴水死其屍植立水中里人上其事

於郡縣立廟祀之史孟麟匾其門曰雙烈

蔣杜氏 舉人思宸妻二妾謝氏詹氏與杜俱鳳陽人

年十六俱抗節爲賊所害

曹毛氏 司賢妻十九歲寡有欲奪其志者自縊不死日夜捧木主號哭終喪而卒

曹氏三烈 師佑妻黃氏真儒妻袁氏雲鳳妻吳氏亂兵入村三氏同潔身赴水死

湯王氏 其夫某爲兵所掠父母將改嫁之氏守義赴水死

儲氏七烈 郡兵肆掠儲二懷妻孫氏借娣姒女胥完節溺於村西之池兵退族人合葬爲一墓

堵葉氏 文襄公妾公卒遺娠生子流寓南甯爲賊所獲將汚之以刀相逼氏叱曰吾宰相妾豈受

鼠輩辱邪抱孤赴水死

任潘氏 某妻兵劫之馬上馳去任追及之氏卽自投馬下相抱痛哭赴水死

義婢石阿奴 儲伯嘉婢永樂時伯嘉以房屋違式被告逮行在阿奴泣請從鞠行部成隆慶衛阿奴擊



登聞鼓訴冤詔獎其義赦伯嘉而伯嘉旋斃於獄阿  
奴函骨歸葬越五十餘年衛所忽以清勾行牒至縣  
逮伯嘉曾孫永豐至京時阿奴老矣憤然曰此老婢  
再効命之秋也復借永豐伏訴奉天門詔檄縣申報  
牘上獲雪而阿奴病卒永豐哀甚以  
鐵絲曲環其骨歸葬祖塋春秋世祀

按節婦有缺守節之年者有失請旌之年者併有佚  
其夫名者或舊志未詳或各家譜闕或新稿漏載付  
梓時已易數人手底本無可覆查削之又不敢任咎  
爰備列其名於每朝之末以俟稽考其載入 國朝  
及分志者如其例

儲宗氏 杏妻

許吳氏 以紳妻

許孫氏 啟福妻

許蔣氏 玉濬妻

許尹氏 體道妻

許宗氏 汝璞妻

陸吳氏 紹耕妻

曹毛氏 云妻

曹黃氏 師確妻

曹任氏 司檄妻

吳任氏 某妻

許任氏 某妻

杜潘氏 廷銳妻

任潘氏 裕妻

任曹氏 六一妻

顧許氏 一仕妻御史任潘額旌之

國朝

孝女徐氏 岸生仇兆麟妻兆麟幼孤氏父納于家教育七  
年以氏配之氏敬父母如舅姑而加愛焉未幾

卒子元善 邑諸生

許氏 贈中允任培元妻家貧子啟運生母家氏天性  
純孝母病篤割股和藥以進後以子貴贈淑人

史氏 張甲先妻舉人史曾唯女氏年十九未嫁母病  
篤父授經於外諸弟幼女計無所出割股以療

許氏 其璞女生而茹素立志不嫁侍養父母母病  
氏割股以進得痊親亡紡績終身卒年七十歲

列女

許氏 許圻女母楊早卒氏年十六父欲字之氏念父

人爲之立額于祠立碑于墓 許氏年衰又無兄弟矢志不嫁紡績以供甘旨父卒

王 王慎五女字黃姓幼有至性年十四父患病侍

疾無何氏忽暴 奉湯藥日夜不倦見父病革朝夕焚香期以身

賀氏 庠生吳貞明妻幼時兩割股以療母疾

史氏 網甫女明季羣盜起入網甫家闔門七口駢死

孝婦 鄒楊氏 振先妻姑染疫病危氏

周吳氏 鬻妻掌坊啟嵩長媳執婦道甚謹深得翁姑

王錢氏 紹妻事姑孝謹一日母餉以鵝菜覆其上氏

奔告母曰吾進菜于姑而遺其鵝倉卒失誤罪可辭

願將妹妻吾夫以膳姑吾日暝矣 遂自縊母家哀其志以次女續焉

徐蔣氏 亦謹修婦道姑性嚴峻氏百方承順姑有疾

尤厚時周其乏至老不輟 夫婦衣不解帶待前姑女

張宗氏 夕撫摩後翁疾氏卧榻前每夜十餘起翁或

呼他子婦氏曰伯叔姪有子他日孝養無窮媳無兒

已辜二老望自當專力奉養稍報萬一其天性如此

湯路氏 贈鴻臚芳猷妻芳猷客都中姑病劇氏泣涕

和藥進越日乃瘳氏積勞早衰卒年四十二

杭徐氏 諸生起先妻姑性嚴氏事之維謹姑病癱伏

歿號痛幾絕 枕哀號氏怡聲慰解飲食湯藥含哺食之姑

卒年七十 卒年七十

節孝陸承氏

瞻洪妻早寡翁患泄痢飲食居處因三子分

藥雖中夜一燈熒然或并不就寢  
如是者五閱月翁得安養以終

詹吳氏

席珍妻二十三歲寡姑多病  
割股者再母謝病亦如之

張丁氏

廷佑妻早寡嘗  
割股療翁疾

儲吳氏

啟魁妻年三十生子五齡墮水死夫痛子亦  
赴水死氏及姑俱慟絕已乃自忖日夫死子

死吾何惜一死然吾死姑亦必死於是扶  
姑歸急營殯葬立姪為嗣卒年九十三歲

貞女袁吳氏

明參議正巳女江陰大中丞一驥子永廣  
聘妻將婚前三日永廣卒氏奔喪守志

許吳氏

庠生滋女榮聘妻年十八夫  
卒氏奔喪成服守志終身

儲沈氏

恢遠聘妻年十七夫卒氏毀容翦髮誓不再  
字依孀母居六年卒儲迎柩與其夫合葬焉

丁李氏

河瑞女新運聘妻崇禎甲申隨兄用楫任瓊  
州順治乙未歸丁已別娶誓不字欲恨而終

馬陸氏

庠生鑑女字馬某馬病篤氏偕  
母往視及卒遂奔喪守志終身

許吳氏

務聘妻夫  
死守貞

徐任氏

中杰聘為繼妻未婚而中杰  
卒奔喪守志卒年八十四

吳胡氏

瑞修聘妻年十六將于歸以父有越遊不果  
是年瑞修得癩疾五載不痊吳勸之改字氏

不可又

五年瑞修死時氏年二十五聞訃奔喪葬畢  
卽與姑及兩庶祖姑四嫂同居資氏紡績以供朝夕

胡周氏

兆祥聘妻兆祥死間訃卽奔喪服既闋翁  
姑憫其年少欲歸之母家氏叩頭流血日大

人甯不愛子耶媳在子猶生媳去子真

死翁姑感其言遂不能強守志終身

盧儲氏

文煥聘妻氏年十七聞夫  
卒卽毀容易服矢志守貞

吳胡氏

廷麟聘妻  
夫死守貞

胡蔣氏

彥瑜聘妻甫納采而彥瑜卒氏請奔喪父不  
許絕粒三日乃聽之氏往夫墓祭奠折箸誓

重刊宜興縣志

列女

七

曰夫死未臨篋夫葬未臨穴夫空有婦名婦未識夫面事姑天年而不委身墮下以酬夫志者有如此著祭畢歸事姑家極困乏守貞十五年卒族人義之為立石于墓

陸周氏 子璉女鳴珂子聘妻陸

周杭氏 潮女字厚村周業儒業志以終

節婦堵徐氏

世明妻文襄公媳甫婚而世明赴湖南死氏以苦節終

堵沈氏

楚氏奉庶姑錢氏守節終身

潘蔣氏

楚妻同堵正明入楚死氏年二十九無子乃寄跡尼菴守節終

路顧氏

早寡撫嗣子朝陽成進士

吳李氏

其雷妻年二十四其雷歿粵西氏苦節終身

周蔣氏

一琪妻十九歲寡撫孤成立

吳氏雙節

儲氏庠生吳蜚妻黃氏蜚弟廷柱妻兄弟皆同盧象觀死難二氏俱年少苦節以終

徐董氏

承禧妻順治七年承禧為土賊所害氏年二十五懷娠四月逃匿智井得免生子撫之成立今其孫曾

吳任氏

副貢湛妻湛少負才名齋志而歿氏撫七月孤成立氏無兄弟養葬父母皆氏之力其子

政為名

諸生

徐許氏

庠生曰儁妻夫卒嚙落中指投棺中日吾先以一指殉夫後父母欲奪其志氏將以沸湯

淋身救免苦節十八年忽出夫手錄書付嗣子告姑

亦苦節五十年

曹陳氏

庠生懋勤妻懋勤疾氏到股以進顛天請代

陳孫氏

振寰妻早寡截髮自矢家貧常取草木根皮作食操作無燈火以月光出沒為度陳固農

家課次子際昌  
讀書後補諸生

張徐氏 庠生魏登妻二十五歲寡夫樞在  
家四十年寢處其側朝夕進膳

費管氏 珍妻十九歲寡家貧斷髮毀容誓無他志嘗  
依寡嫂以居值歲大饑或累日不能舉火

陳周氏 庠生維媚妻家業中落嘗鬻節二十餘年  
夫亡家益貧或竟日不爨苦節七月家貧有惡

史蔣氏 丹書妻二十八歲寡遺孤纔七月家貧有惡  
少欲毀其屋氏慟曰是賜我賣身也頸可斷

身不可辱避之里旁草舍中懷淫刃  
者浹月眾懼不敢逼卒年七十九歲

徐邵氏 庠生先枝繼妻二十三歲寡撫前  
室子之綱延師課讀後為名諸生

吳孫氏 時成妻年十六歸吳三日而夫卒舅  
姑欲嫁之誓死不從卒年八十餘歲

裴邵氏 正陽妻十七歲寡遺娠三月父母勸之改嫁  
截髮自誓性好善獨建上草塘橋以利涉

史孫氏 武進士史師慎妻 劉氏 師慎子助妻俱  
早寡守節以終

湯秦氏 振商妻父延嘿為湯溪令八歲在署中作占  
柏吟云松柏春不花寒天亦常碧人以爲詩

識歸湯後二十歲寡課子思孝口授  
詩書經史著有依桂初蘭二稿行世

周姚氏 又伯聘妻將婚又伯患癆症兩家議展婚期  
氏謂其母曰配耦天定今有病吾奉湯藥分

內事遂歸周年餘夫卒誓死守  
節足不出閨鄉鄰罕識其面

吳歐氏 舉人近功繼妻事姑  
最孝撫遺腹子成立

萬吳氏 庠生德煒妻早寡撫孤子  
貞邑諸生孫彥成進士

李吳氏 元祥妻姑老子幼氏晝夜紡  
績寢不解衣卒年七十三

儲王氏 樹聲妻二十三歲  
寡卒年九十一歲

儲薛氏 增生福蟾繼妻十九歲寡撫孤成立孫龍光  
舉於鄉報捷時適逢七計誕振人以爲苦節

之報卒  
年八寸

劉朱氏 夢嶼繼妻早寡家號素封夤夜有盜壞門戶

可殺乃免卒年七十四子天長邑諸生曾孫學周進士

邵岳氏 延紀妻年十八被盜劫為所焚氏年十八矢節終身

蔣徐氏 永祜妻早寡姑老喪明又病癱瘓氏侍奉十餘年不倦撫三子皆成立

蔣黃氏 暄妻孀居無子所居林墟間寂常數日不啟關人亦知其賢無有過其戶者

儲楊氏 克順妻十九歲寡四世單傳氏撫七月孤成立

周丁氏 天秩妻二十四歲寡卒年八十餘

吳史氏 某妻早寡家貧歲大饑族議賑之堅辭不受

儲吳氏 捷妻太史貞度文二十歲寡卒年七十六歲

邵龔氏 英侯妻年十八英侯被訟遠出不返堂伯某誘之改適氏以死誓守義五十年

江錢氏 世嘉妻少寡翁諭之嫁不聽翁因其母家以市販為生人眾雜處約日而欲守節必無歸

甯乃可氏 敬諾越二十年孤娶婦始一歸

史宗氏 如班妻十八歲寡天易簣時諭以終喪改適氏泣誓夫婦同定苦節四十年迨卒嗣子奉

柩合葬于金雞墓將至塚忽劃然開前棺盡見云

沈杭氏 宏期妻二十歲寡越二十年嗣子又卒復撫孤孫成立

儲薛氏 煥文妻早寡卒年九十煥文妻早寡卒年九十

陸許氏 文成妻早寡家赤貧嘗日午鋤禾不見者憐之

蔣邵氏 安祖妻早寡無子設夫主于臥室敬事如生初氏之祖母少寡完節氏見其父稱述輒曰

祖母吾師也父曰祖母有子爾無子對曰事關大義豈論有子無子乎父為之改容

湯吳氏 庠生新爵妾新爵嬰風疾不離牀褥者八年氏事之無倦色二十九歲寡卒年七十四

吳史氏

樸人妻早寡撫孤子復撫孤孫成立

吳徐氏

從鼎妻從鼎選惡疾氏親視湯藥五年不懈及寡事孀姑極孝謹

潘岳氏

承柱妻承柱代父修密雲城以勞勩卒氏扶觀歸里撫二孤胥隸六館尤孝事舅姑

侯段氏

俱無子忍饑苦節以終

徐周氏

弟羽彩妻亦早寡完節

邵許氏

南谷妾薦寢閣兩夕南谷赴維揚三載扶病歸家而歿氏年二十一事嫡極謹恪撫孤成立

儲李氏

庶子振妾早寡無子事嫡極謹恪撫孤成立

儲丁氏

名綠姑庠生雲慶妻慶年老失明妻子皆喪乃買綠姑資其侍奉至二十六歲雲慶卒

氏自誓不嫁依雲

慶姪瞻桂以終

蔣氏雙節

行卿繼妻朱氏道卿妻張氏俱早寡卒年七十七張卒年六十九

湯杭氏

樸妻家貧子幼舅欲奪其志氏赴水挽救不

謝邵氏

死宗人好義者指賞為置恒產父迎養于家以文行稱庠序傳載通志

萬朱氏

家新妻家赤貧常絕粒掩扉待

尹蔣氏

亮采妻十九歲寡夫兄伯貞以亮采遺糧無出欲嫁氏密受某子金氏方懷娠斷髮誓死

某子訟

伯貞及氏于宮氏懷刃欲決于公堂尹族廩

生帝錫

率族直其事且代為償逋氏由是得終守撫

遺腹子

成立

陳許氏

爾啟妻早寡撫子成立娶媳生孫未

杭陸氏

幾子卒孫殤氏與媳高氏相守終身

張路氏

以舅姑命撫孤讀書卒年七十餘

受畫法

母攜歸氏勤紡績兼為女師資馨具贊從師

盧李氏

傳喬妻傳喬壯歲游學在外死生莫卜氏執志飲冰茹荼四十餘年宗族嘉其操為立後

蔣張氏

贈奉政大夫永做妻永做故誓以身殉家人謹防之氏度不得死乃剪髮投棺以明相從

之意宗

人欺遺孤腹削之氏宴集三黨懸永做像酒

數巡氏

自簾內出泣拜探懷中利刃誓於主像前日

妾以死

守此家有凌藐孤者妾必手刃之遂斷一指

哭倒地

一座皆驚且泣下邑紳欲以氏實行求旌氏

不可卒

年七十一歲

族眾為

之請旌

張某氏

納約繼妻早寡

丁王氏

諸生天衢妾十八

王張氏

鄖陽知府瀚妾早

潘張氏

進士河閒知府瀛

張黃氏

佳谷妻早寡

高余氏

承出妻早寡

杭謝氏

良珠妻早寡

周丁氏

方繼妻早寡

周楊氏

天承妻早寡

張盧氏

緒吉妻早寡

丁宗氏

啟潤妻早寡

孫吳氏

文耀妻早寡

儲曹氏

奇章妻早寡

蔣許氏

永節妻早寡

宗蔣氏

欽鄰妻早寡

徐范氏

懋省妻早寡

莫吳氏

與琪妻早寡

儲蔣氏

述妻早寡

徐馮氏

薇妻早寡

陳殷氏

書源妻早寡

許王氏

善慶妻早寡

陳蔡氏

甯敘妻早寡

陳史氏

蓮生妻早寡

儲蔣氏

茂煌妻早寡

儲蔣氏

惟忠妻早寡

顧朱氏

彝卿妻早寡

許龔氏

次膺妻早寡

俞周氏

武庠生士鸞妻

蔣邵氏

截髮守志以終

王盛氏

世英妻早寡



蔣路氏 沛澤妻早寡 卒年七十九 路潘氏 晉錫妻通書史 嫻禮法以節終

潘路氏 君燦妻早寡守 節四十餘年 周杜氏 鳳梧妻早寡 卒年八十八

蔣潘氏 立統妻早寡守 節四十餘年 周蔣氏 伯璠妻早寡 卒年七十二

蔣羊氏 兆安妻早寡苦 節三十餘年 蔣李氏 景奇妻早寡苦 節三十餘年

郁路氏 邁玉妻通書史嫻禮 節撫孤源渭成立 曹氏 源渭妻源渭亦早 卒姑媳相依完貞

史馮氏 有秋妻早寡矢志撫 孤子繩祖成立授室 薛氏 繩祖妻繩祖亦早 卒姑媳皆以節終

蔣周氏 雲澤妻早寡矢志守 節撫姪為嗣子成立 俞氏 雲澤弟觀其妻早 寡撫遺腹子成立

儲萬氏 高慶妻早寡撫孤子 復祖成立卒年七十 萬氏 復祖妻復祖亦早 卒姑媳相依撫嗣

柳芮氏 厥星妻早寡矢志不 二撫孤子成立授室 蔣氏 啟星次子時舒妻 亦早寡以節終

葛馬氏 文光妻早寡矢志不 二苦節三十餘年 劉氏 文光妾十九歲寡 嫡庶同心苦節

陸濮氏 東昇妻早寡 卒年八十三 楊王氏 廷餘妻十九歲 寡卒年七十四

劉史氏 紀炎妻十七歲 寡卒年七十七 史劉氏 經解妻撫孤成 立卒年七十六

孫秦氏 誠妻早寡于幼家 貧苦節四十餘年 蔣徐氏 職妻早寡卒 年七十八

杭王氏 振芳妻早寡苦 節五十餘年 杭王氏 勝干妻早寡 卒年七十九

杭邵氏 例貢陞妻早寡 苦節四十餘年 周盧氏 倫妻早寡卒 年八十三

杭湯氏 伯誠妻二十歲寡 苦節四十餘年 杭吳氏 彥蒙妻早寡 卒年八十

毛曹氏 尙純妻十九歲寡 苦節四十餘年 毛蔣氏 有勤妻早 寡苦節

毛周氏 賢其妻十八歲 寡卒年七十二 盧吳氏 銓登妻早寡 卒年七十八

路蔣氏 遵義妻早寡 卒年七十一 潘任氏 鼎元妻早寡 卒年七十三

楊蔣氏 廷石妻早寡 卒年七十五 徐許氏 榮瑚妻嫁甫週 而寡苦節終身

孫徐氏 明輔妻 早寡 無孤 卒年七十三

蔣丁氏 存德妻 二十餘歲 卒年七十一

虞王氏 民瞻妻 早寡 卒年七十一

楊吳氏 言如妻 又曾 卒年七十五

楊陳氏 涓妻 世則 卒年七十五

楊蔣氏 魯珍妻 世魁 卒年七十五

楊唐氏 惠侯妻 世魁 卒年七十五

儲秦氏 永繁妻 炳然 卒年七十五

戴許氏 師夔妻 某妻 卒年七十五

傅任氏 某妻 文英 卒年七十五

杭周氏 子益妻 早寡 卒年七十三

杭張氏 立於妻 早寡 卒年七十九

張吳氏 紹魁妻 早寡 卒年七十五

周徐氏 元臣妻 卒年七十五

周黃氏 思信妻 卒年七十五

周宗氏 惟和妻 卒年七十五

丁潘氏 徽妻 卒年七十五

錢岳氏 蒼霖妻 卒年七十五

許華氏 某妻 卒年七十五

杭趙氏 允祥妻 卒年七十五

虞蔣氏 忻妻 十歲 早寡 卒年七十三

路蔣氏 賢聚妻 卒年七十三

許周氏 庠生肇妻 卒年七十三

鄒徐氏 鎮泰妻 卒年七十三

范陳氏 庠生儒妻 卒年七十三

蔣邱氏 起富妻 卒年七十三

蔣曹氏 廣利妻 卒年七十三

蔣吳氏 汝霖妻 卒年七十三

蔣陳氏 文亮妻 卒年七十三

蔣傅氏 懷文妻 卒年七十三

丁尹氏 惠森妻 卒年七十三

史毛氏 念緒妻 卒年七十三

儲周氏 斯睥妻 卒年七十三

儲岳氏 之樹妻 卒年七十三

杭承氏 繼緒妻 卒年七十三

史王氏 則遠妻 卒年七十三

王樊氏 宏妻 卒年七十三

湯朱氏 道巍妻 卒年七十三

蔣沈氏 日俞妻 卒年七十三

蔣沈氏 懷慈妻 卒年七十三

湯狄氏 汝賢妻 卒年七十三

范張氏 塌妻 卒年七十三

莊蔣氏 秀卿妻 卒年七十三

胡董氏 起龍妻 卒年七十三

鄒陳氏 鳳羽妻 卒年七十三

儲潘氏 駿章妻 卒年七十三

潘路氏 庠生倬妻 卒年七十三

邵岳氏 允調妻 卒年七十三

盧蔣氏 廷錫妻 卒年七十三

史吳氏 林茂妻 卒年七十三

嵇蔣氏

啟瑞妻

儲吳氏

玉俊妻

邵承氏

天祚妻十歲寡

邵吳氏

麟妻

儲蔣氏

元贊妻

錢蔣氏

九歲寡十歲寡

路湯氏

陟在妻

儲蔣氏

順元妻

周馬氏

九歲寡十歲寡

周馬氏

既廷妻

戴史氏

可式妻

曹史氏

三十餘年節

毛湯氏

秀元妻

曹毛氏

茂甲妻

王陸氏

順甫妻三十年節

周許氏

惟慎妻

吳高氏

遠聞妻

吳陸氏

華鏗妻

馬桑氏

天琪妻

徐惠氏

之紀妻

杭王氏

懋端妻

沈胡氏

貞妻

楊陳氏

君啟妻

徐吳氏

庠生化妻

史薛氏

福綬妻

王許氏

泰遇妻

呂史氏

世奇妻

儲楊氏

御侯妻

王吳氏

家楨妻

萬顧氏

晟妻

楊吳氏

永臣妻

潘吳氏

敬宗妻

杭王氏

振川妻

虞徐氏

永禧妻

潘陳氏

廣賢妻

蔣王氏

禮繼妻

虞陶氏

大成妻

虞蔣氏

廷模妻

李衛氏

明縉妻

虞孫氏

一垣妻

虞錢氏

一信妻

虞史氏

一鰲妻

虞黃氏

太祚妻

盧周氏

庠生昌祚妻

貞烈陳氏

心志女幼字長圩談氏值鼎革時父母云死而已順治三年矣儻亂兵掠汝奈何氏日若此有擄掠者將及女遂投急流而卒年方十四歲

李氏

吳重華聘妻崇安知縣李天

莊氏

楊某聘妻未嫁而楊卒父母議婚他姓氏不從

張氏

庠生竣女請隨行未許比歸女已經死

蔡氏 談邦植聘妻邦植卒氏欲奔喪父不許既欲改

完節而

儲氏 沾恩女時土寇縱掠舉家驚

蘇氏 竹工女為兵所掠奪刀自刎兵掣

節烈邵氏三烈 齊疆妻陸氏璽妻任氏遂祖妻吳氏俱

丁氏兩烈 佳妻黃氏明妻黃氏順治二

何徐氏 前妻順治二年游兵劫氏馬上行

沈王氏 伯芳妻隨夫避亂入湖

毛史氏 總兵重泰妻金壇舉人史培元女順治二年

氏抱嬰兒赴水或憐而鈎

潘史氏 明攻妻土兵劫之去氏奮躍

毛蔣氏 桂生妻為兵

李吳氏 逸涵妻明副榜三畏

徐馮氏 秉謙妻十七歲歸徐七閱月

丁黃氏 起鵬妻土寇肆掠

丁陸氏 駿生妻夫

堵唐氏 世明妾世明在湖南時所娶

堵湯氏 道楠妻順治十年道楠死市曹妻子例當給

終不貽父羞行至常州服

藥死名流多作詩輓之

趙氏 夫某困于貧將鬻之

尹陳氏 佐妻佐遠館於外有縣胥沈湘催糧其家誘

勿死相投屍於水以脫逃報氏壻潘朝訟之官邑令

吳以佐匿妻賴糧具獄邑紳史某知其冤訴之推官

實沈湘伏辜 萬曹氏 庠生文彪繼妻文彪以苦讀殞命氏誓以身

殉絕粒數日不死乃投井死子廷詔成進士

吳王氏 汝霖妻夫亡有少年路姓者強娶之遂自經

已十餘日 面色如生 某妻某游蕩家貲如洗欲鬻妻以償博債氏

泣日吾舅姑父母俱係名門安忍辱身貽羞

耶遂自 亮字妻年饑空乏公私積逋亮字謀鬻妻以

陸趙氏 償氏執義不從有族匪強主婚事氏知勢不

容已閉戶 自經死 庭桂妻早寡子甫週家赤貧或勸之他適氏

萬吳氏 婦曰吾事畢矣 遂投縊而死 炳文妻夫亡夫弟逼之嫁凌辱百端乃變計

儲邵氏 給叔曰為我設齋薦亡夫則惟命齋畢乘間

赴水死 麻衣衰絰縫紉密 固胸中猶懷故夫靈紙云

蔣吳氏 蔚其妻夫死無子親屬謀嫁之 迎者將及門氏取刀自剄死

任儲氏 綽妻松江教諭儲邦輔女乙 西歲間兵至墮樓全節而亡

夏趙氏 浙江運司夏尚綱繼妻尚綱歷官浙閩不與

廬甲申之變城破前一日唐氏請於姑曰今國危矣

破巢之下無全卵媳妾婦也懼辱請先歸地下氏日

盡節亦安有老少之殊哉貞姐日死何待少待恐不

得死辱而死雖死無益矣於是唐氏自縊死趙與女

潘楊氏 延俊妻夫故夫弟屢欲嫁之氏不從夫弟田私受人財約村中年少促氏登舟氏曰吾不愿嫁者為汝兄似續計叔必欲吾嫁又為吾終身計如叔信之氏入房良久不出尋之已自後門出赴水死矣

補遺

明

節婦蔣錢氏

時進妻早寡卒年八十四

毛儲氏

明佐妻明佐及子貴生死于兵氏苦節終身

續補

元

節婦徐王氏

忠妻明瓊州知府鑑祖母志早世氏冰蘖自守卒諡貞靜工部尚書宋禮題像曰貞疑之

委柔順之質作配名家躬勞女職遽失所天悲踰罔極茶心蘖胸冰聲玉色邦家之光昭彼白日

明

孝女徐氏

啟鉉女父疾割股母亡廬墓

孝婦周朱氏

司馬周聖瑞妻事翁姑盡婦道姑病焚香額天封股以療翁姑歿朝夕哭像哀毀成疾卒

何侍郎士晉吳僉事正志皆為之傳崇禎八年旌

貞女徐任氏

庠生中杰繼聘妻二十三歲夫死奔喪守志卒年八十二坊建蓮池上

節婦周朱氏

之獻妻早寡卒年七十二周蔣氏 時冕妻早寡卒年八十六郡守額旌之

周朱氏

銘琬妻曹儲氏 冕賜妻苦節四十餘年

周莊氏

銘璋妻曹吳氏 庠生曹守繼妻鍼黹度日

周王氏

道隆妻曹史氏 雲翻妻苦節終身

曹湯氏 記妻苦節二十餘年

曹許氏 思義妻

曹鄭氏 載堯妻

曹韓氏 思賢妻

曹毛氏 經元妻

曹錢氏 華尊妻二十歲寡撫孤成人卒年八十四

史王氏 司政妻

史談氏 廷椿妻

史蔣氏 築義妻

陳史氏 潤妻明季 邵縣旌表

史杜氏 學增妻

曹張氏 福建右布政曹司勳妾做衣垢面苦節三十餘年

國朝

節婦周李氏 山封妻

曹蔣氏 庠生一 彌妻

周凌氏 瑞雲妻

曹雷氏 巨虎妻

周吳氏 庠生桐 封妻

曹儲氏 茂瑞妻

周沈氏 大田 妻

曹王氏 雲龍妻

周黃氏 鉞妻早寡卒年七十七

曹儲氏 五岳妻

曹朱氏 宇吉 妻

徐宗氏 兆行妻卒年七十 四坊建水湯里

徐王氏 羹妻守節撫孤備嘗艱苦

徐周氏 衡繼妻

節壽程吳氏 贈儒林郎時傑妻早寡矢志撫孤備嘗艱苦 壽至九十九歲沐恩賜絹者再大中丞吳

郡守王皆額旌之傳載江南通志子芳考授州同知 舉純德孝行為闔邑善人之冠舊志未詳即文英妻

茲本程 氏宗譜

烈婦徐華氏 增生彥妻順治乙酉兵亂全節自溺

曹氏

日

三

曹氏

曹氏

曹氏

曹氏

曹王丑

曹王丑

曹王丑

曹王丑

曹米丑

曹米丑

曹米丑

曹米丑

曹黃丑

曹黃丑

曹黃丑

曹黃丑

曹炎丑

曹炎丑

曹炎丑

曹炎丑

曹庚丑

曹庚丑

曹庚丑

曹庚丑

曹葵丑

曹葵丑

曹葵丑

曹葵丑



